


WĀHEBERE, CHIPATULO SEVENI ¹

 . . . usiku, na kumupulika Joyce wakwimba. Kasi imwe mukamanyanga kuti uwo ndi munthondwe mwa iwowekha? Msungwana muchoko yura, kasi iyo wangaghanaghana uli za chose chira? Ndipo usiku uliwose iyo wakutipa ise yimoza yiphya. Umo iyo wangaghanaghanira za vyose vira, izo nadi ndi zeru zikuru pachoko. Fumu yimutumbike mwana yura.

² Sono, namachero, pa thu-sate, pa maliro kunyumba mu Charlestown, Indiana. Wakutemweka withu, mlongosi uyo waruta, Mlongosi Colvin, ise tikupereka ntchindi zaumaliro kwa iyo, pa a—pa maliro kunyumba na ku dindi, namachero kumuhanya. Mweneuyo kale wakakhala ngati ndiumo imwe muliri usiku uwu, ndipo waruta kujumpha chidiko uko imwe mwamkuŵa nyengo yinyake. Ndipo wose awo ŵakukhumba kuti ŵakawepo pa chisopo, chifukwa, mbakupokerereka kuti ŵafike. Ichi nadi chiŵenge kovwira kukuru ku banja la Colvin, kumanya kuti kachisi kuno, uko iwo wose ŵakaruta ku tchalitchi pa nyengo yitali chomene, na vinyake nthaura, m. . . Ise tiŵenge ŵakukondwa kuti imwe mwize. Ndipo ine nkughanaghana a. . . M'bale withu wakutemweka McKinney, mweneuyo wakapharazga pa maliro gha munung'una wane, virimika vinandi vyajumpha, wali na chigaŵa chikuru pa maliro, ndipo ine nafumbika kuti ndize na kumovwira iyo mu—mu visopo vya maliro.

³ Sono, ine nanguchedwa waka pachoko, usiku uwu. Ine nanguŵa na visulo vinandi chomene pa moto, ine nkhumanya yayi uko ine ningaruta. Kuli ntchemo zinandi chomene, ndipo kupwanyana uku na ngozi, ndipo ŵanthu kufonanga, kwizanga. Mpaka, ine nangufumako waka ku Louisville, nyengo zichoko zajumpha, kuti ndifike kuno mwaluŵiro, na kurekanga ntchemo zinandi chomene izo ndi zakuvuska chomene ndipo zikwenera kuti zichitike, ine nkhusachizga, kweni, usiku uwu. Ndipo sono mutirombere ise apo ise tikuruta.

⁴ Ndipo mlenji uwu ine—ine nthā nangufika ku wane—mutu wane, ku chipatulo 7 cha Buku la—la—la Wāhebere. Ndipo apo ise tikuwerera ku ichi, usiku uwu, ine nkhekumba kuti nilengeze za ungoro na M'bale Graham Snelling, kunena ku hema kumtunda uku, pa umaliro wa Brigham Avenue. Usange Fumu yazomerezga, ine nkhekumba kuti ndizakawereko pa Chitatu usiku. Ndipo kula ise tizamunozga usiku unyake kuti ise tizakarute kula ngati nthumwi, sabata iyi nyengo yinyake, kuti tikamuyendere M'bale Graham mu ungoro. Ndipo iyo ndi a. . . wakuti, “Wakuŵa na gulu liweme.” Ndipo—ndipo iyo watiwongenge ise kuti tafika, chifukwa cha kovwira uku. M'bale Graham Snelling, munyake wa imwe warutenge ku

ungano, panji mukukhumba kuruta, ndi ku umaliro waka pa Brigham Avenue kunena uku. Munyake waliyose wangamanya kumuphalirani imwe uko uwu uli. Nkhanira ku umaliro wa malo ghakusewērerapo, hema lajinthika. Iyo wakuwonga kukoleranako kwinu. Chifukwa, ise ngati kachisi tiri kupangana kukoleranako kwithu na iyo, kwathunthu, ntheura ise tikuyezga kovwira.

⁵ Sono, ntheura mwasonosono ise tikusenderera ku malo gha, para Fumu yazomerezga, ku chipatulo 11 cha Wāhebere, mu mausiku ghachoko, usange Chiuta wazomerezga, ndipo kula ine nkughanaghana kuti ise tamkuwa na nyengo yiweme nakoso.

⁶ O, Fumu yangutitumbika ise mlenji uwu mu kachitiro kakuziziswa, umo Iyo wangupungulira Mzimu Wake pa ise! Ndipo sono, usiku uwu, ise tikukhazga kuti Iyo wachitenge ichi kamosaso; ndipo ntheura pa Chitatu usiku, na kurutirira. Ndipo—ndipo mausiku agho ine nkhuwapo yayi, M'bale Neville wazamkuwa kuno kuti wazakautore uwu, usange ine nafumapo.

⁷ Ine nkhumanya yayi icho ine ndichitenge, iwe panyake ungaŵa muno ora ili, ndipo ora linyake kuchemeka ku California. Wonani, iwe ukumanya waka yayi uko Fumu yikutumenge. Ndicho chifukwa ntchinonono kwa ine kunozga maulendo na kuti ise—ise tichitenge *chakuti-na-chakuti*. Ine ningachita yayi kuyamba kuchita chinthu chinyake, Fumu mbwenu yinditumenge kumalo kunyakeso. Mukuwona? Ntheura ise tikumanya waka yayi icho Iyo wachitenge. Kweni, “Usange Fumu yazomerezga,” ise tikuyowoya ichi. Ndipo ine nkughanaghana kuti ise tatumika, panji kulangulika kuti, mu Baibolo, “Usange Fumu yazomerezga, ise tichitenge *chakuti-na-chakuti* vinthu.” Ntheura usange ise nthā tikunozga mapurogiramū ghithu agho ise... panji kukwaniriska mapurogiramū, ise tikuwona kuti panyake Fumu nthā yizomerezege kuti ichi chichitike.

⁸ Dazi linyake, ise wakatikora, M'bale Roberson na M'bale Woods na ine. Ndipo ise tikuzizwa, “Chifukwa?” Chikhalire kula, kulaŵiskanga pa mapu, tikakhiranga nkhanira kusika, ndipo ise tikayenda eyite kilomitazi nkhanira kuwerera kumanyumaso pa msewu. Ndipo ine nakhala nkhwenda pa msewu ukuru kufumira apo ine nkhaŵa pafupifupi virimika fotini vyakubabika. Ndipo ine nkhuuzizwa umo ine nkchachitira ichi. Ise tikayimirira kula, tose watatu ŵa ise. Ise tose tiri kwendamo mu misewu yikuru. Kulaŵiskanga nkhanira pa mapu, kuyiŵika pa 130, kwizanga kujumpha Illinois, ndipo tikakhweta pachoko, kwambura kumanya kuti zuŵa likaŵa kumanyuma kwithu m'malo mwa kunthazi kwithu. Ise tikarutanga kumpoto m'malo mwa kumwera. Ndipo chinthu chakudankha imwe mukumanya, tikajumpha msewu, ine nkhati, “Uwu nthā ndi msewu wakwenerera.” Tikalaŵiska kusika kula,

ndipo tikawona kuti, ise tikaŵa eyite kilomitazi kuwaro kutali na msewu. Tikaruta kuwereraso kumanyuma . . . ? . . .

⁹ Ntheura para ise tikawereranga, ise—ise tikayowoyanga. Ine nkhati, “Imwe mukumanya chifukwa? Ise . . . Fumu panyake yikatilambalariska ise kudera uku, kutithaska ise kuti tileke kuŵa na ngozi yakofya kudera uku kumalo kunyake, kuti panyake nthena chikachitika chinyake munthowa yinyake. Ise tikumanya kuti vinthu vyose vikuŵayendera makora iwo ŵeneawo ŵakuyitemwa Fumu. Ndicho chekha ise tikwenera kuti tisunge pa malingaliro.”

¹⁰ Sono, usiku uwu, ise tikwambako sono ku chisambizgo chichoko. Ndipo usange ine . . . Ine nkhekayika usange ise tikwaniskenge, panyake ise tichitenge usiku uwu, kuti . . . Ichi ndi chipatulo chikuru cha kusambizga pa chakhumi, ku mpingo. Ndipo ndi chisambizgo chikuru, cheneicho ise tingamanya kukhala pa ichi masabata na masabata, pa chinthu chimoza chira, umo Abraham wakaperekerera vyakhumi kwa Melekizedeki, ndipo kwali ichi ntchakukhumbikwira.

¹¹ Kasi fani iyi yikumupweteka munyake kumanyuma uko? Panyake imwe mungatemwa kuti yizimwiskike? Usange iyi yikumupweteka munyake, kuputiranga mu maso ghawo, fani yiriyose. Usange iyi yikuchita, kwezgani waka mawoko ghinu. Ndipo, panji tumani waka yumoza wa ŵakovwira, tumani munyake kunena kwa m’bale uku, iyo wamuzimwiskireninge imwe. Ndipo ine nkhuvezga kukhala kutali ndamwene; ine nkhopulika kotcha ndipo nkhuwamba kufoma, pamanyuma, chinthu chakudankha imwe mukumanya, ine—nkhusasa mazgu. Ntheura, ichi chiri kwa imwe, ntheura iyi nthā yinditangwaniskenge ine munthowa yiriyose. Ise tikukhumba kuti imwe muŵe ŵakumasuka sono.

Ise tiyengege kuti tireke kumutorerani nyengo yinu yinandi, kweni tilaŵiskenge waka mwakurunjika mu Mazgu. Ndipo pambere ise tindachite ichi, tiyeni tiyowoye kwa Mlengi pa kanyengo waka.

¹² Sono, Wadada Ŵakuchanya, ise tikumanya yayi icho chiri mwakusungiramo. Kweni chinthu chimoza pera icho ise tikumanya, ndipo ndise ŵakukakamizgika, ntchakuti vinthu viweme viri kunthazi kwithu. Pakuti kuli kulembeka, “Jiso lindawone, nesi khutu liri kupulika, nesi ichi chiri kunjiramo mu mitima ya ŵanthu, icho Chiuta wali kuŵasungira iwo, awo ŵakumutemwa Iyo.”

¹³ Ndipo ise tikuromba kuti Imwe mujurenge mawindo gha Kuchanya usiku uwu, mu nyumba Yinu yakusungiramo, na kutipasa ise Mazgu Ghinu, icho chiŵenge chinyake icho ntchakwenerera, chinyake chakuti chikuzge chipulikano chithu ngati Ŵakhristu, na kutipanga ise chomeniko—ŵakukhazikika chomeniko pa Ivangeli, kuruska umo ise tanguŵira para ise

tanjiranga. Perekani ichi, Wādada. Nkhuromba Mzimu Mutuŵa watore Mazgu gha Chiuta na kughapereka Igho ku mtima uliwose umo ise tikusoŵekera. Mu Zina la Yesu, ise tikurumba, Mwana Winu wakutemweka. Amen.

14 Sono, mlenji uwu, mu kumalizganga vesi laumaliro la chipatulo 6, ntheura ise tingamanya kuruta nkhanira mu cha 7.

Uko wakutidangilira withu wali kunjira, nanga ndi Yesu, wakazgoka msofi mukuru muyirayira, pamanyuma pa dongosolo la Melekizedeki.

15 Sono ise tiŵazgenge mavesi ghatatu ghakudankha, panji mavesi ghaŵiri ghakudankha, panji mavesi ghatatu ghakudankha, mphanyiko, gha chipatulo 7, mwakuti ise tingamanya kusanga pakwambira.

Pakuti Melekizedeki uyu, fumu ya Salemu, msofi wa Chiuta chikurukuru, mweneuyo wakakumana na Abraham wakufuma kukakoma mafumu, ndipo wakamutumbika iyo;

Kwa mweneuyoso Abraham wakapereka chakhumi cha vyose, (apo pali vyakhumi vinu); chakudankha mwa kutanthauzira kuŵa Fumu ya urunji, . . . pamanyuma pa icho nachoso Fumu ya Salemu, cheneicho ndi, Fumu ya mtende;

Wambura dada, wambura mama, wambura upapi, . . . nesi chiyambi. . . wakaŵavye chiyambi cha mazuŵa, nesi umaliro wa umoyo; kweni wakalengeka wakukozgana ngati Mwana wa Chiuta; wakukhalirira msofi rutaruta.

16 Makani ghaweme uli! Sono ise tikwenera kuti tiwerere ku Chipangano Chakale, kuti tijime misisi yikuru iyi. Ndipo, o, umo ine nkhaŵatemwera iwo!

17 Imwe mukumanya, uko mu Arizona, ise tikatemwanga kufufuza. Ndipo ise tikanjiranga mu malo ghakuwoneka ghashindu, Mr. Mc Anally na ine. Ndipo ise mbwenu tikamanyanga kuwona malo uko kukawoneka ngati, mu mabuwu ghachokoghachoko, uko kamugelo kachoko, ivyo ŵakuchema “mwakuchapika.” Ndipo ine. . . Iyo wakakhiranga nane na kundipanga ine nipikiche muchenga na kuti “whii,” kuwuphuta uwu. Ntheura kupikicha nakuti “whii,” kuwuphuta uwu. Ndipo ine nkhasizwa chifukwa icho iyo wakachitira chira. Mbwenu nkhasanga kuti, imwe mukumanya, para imwe mukuwuphuta muchenga, uwu uwurukenge. Ndipo vyose, nanga ndi lidi, ndi mupepu kuruska golide. Golide ndi muzitu kuruska lidi. Ntheura para imwe mukuphuta, tuvisulo tunyake tose na muchenga na fuvu viputirenge kutali, kweni golide wakhalirenge pasi. Ipo, usange imwe muli na mwakuchapika munyake kukufuma kunena mkati umu, ichi chikuwoneska kuti

kuli mzere wa golide pamalo ghanyake kunena mkati umu. Vura iyi yachapa tuviduswa tuchokotuchoko utu. Ntheura pamanyuma ise tikutora mapiki na vinyake ntheura, ndipo tikujima phiri, pafupifupi, kuyezganga kuti tisange golide uyu. Kupanga makululu pasi, kujima uyu. Kutchera chakuphuliskira, kuphuliska ichi pasi. Kurutirira kuphuliskanga vyakubowolera, kunjiranga pasi mpaka ise tikusanga, kuti tisange nthowa yeneko. Sono, icho ndicho ise tikuchema “kufufuzanga.”

¹⁸ Ndipo usiku uwu ise tikuyezga kutora Mazgu gha Chiuta, na kughagwiriska ntchito Igho kwizira mu nkhongono ya Mzimu Mutuwa, kuti tiputiskire kutali kupindikana kose na nkhayiko vifumeko kwa ise, vinthu vyose vichokovichoko vyawakawaka ivyo virije lufura lililose, virije uzirwi uliwise mu umoyo withu, ise tikukhumba kuti tiputiskire kutali mwakuti ise tingamanya kusanga Nthowa yeneko iyi yauchindami. Nthowa iyo ndi Khristu.

¹⁹ Ndipo sono nkhumba Chiuta wativwire ise apo ise tikuwazga na kusambira mu Mazgu Ghake. Chaumaliro, machapitala ghatatu gha kumanyuma, pafupifupi, ise takhala tikuyowoya za kupulika, pafupipafupi, za Melekizedeki.

²⁰ Sono, ine nkhughanaghana kuti Paulos wakupereka kutanthauzira kwakwenerera.

Pakuti Melekizedeki uyu, fumu ya Salem, . . .

“Fumu ya Salemu.” Ndipo waliyose wakusambira Baibolo wakumanya kuti Salemu kale wakaŵa. . . Yerusalemu kale wakachemekanga “Salemu.” Ndipo Iyo wakaŵa Fumu ya Yerusalemu. Muwoneni Iyo.

. . . msofi wa Chiuta chikurukuru, (uyo ndi mukhalapakati), uyo wakakumana na Abraham. . .

Ine nkhukhumba kuti nitore mphapu yake, Munthu mukuru uyu, mwakuti imwe mumanye Icho Iyo wali, chakudankha, ndipo pamanyuma imwe. . . ise tirutirirenge na nkhani.

. . . wakuwera kufuma kukakoma mafumu, ndipo wakamutumbika iyo;

Kwa mweneuyo. . . Abraham wakapereka chakhumi. . . chakudankha. . . mwa kutanthauzira Fumu ya urunji, . . .

Sono wonani, “Urunji.” Sono, ise tiri na urunji wataŵene, ise tiri na urunji wa chigomezgo chataŵene, ise tiri na urunji wakutimbanizgika, mitundu yose. Kweni kuli urunji umoza weneko, ndipo urunji ula ukwiza kufuma kwa Chiuta. Ndipo Munthu uyu wakaŵa Fumu ya urunji. Kasi Iyo nthena wakaŵa njani?

²¹ Sono, Iyo wakaŵa Fumu ya urunji, Fumu ya Yerusalemu, Fumu ya urunji, Fumu ya mtende. Yesu wakachemeka, “Kalonga wa mtende.” Ndipo kalonga ndi mwana wa fumu. Ntheura,

Munthu uyu wakaŵa Fumu ya mtende, ipo Iyo wakenera kuŵa Dada wa Kalonga wa mtende. Mukupulikiska ichi?

²² Sono tiyeni tiwone, titore mphapu Yake mwakurutirirako pachoko, kuti tiwone uko ise tikuruta.

Wambura dada, . . .

Sono, Yesu wakaŵa na Dada. Kasi imwe mukugomezga icho? Nadi Iyo wakaŵa nayo.

. . . wambura mama, . . .

Yesu wakaŵa na mama. Kweni Munthu uyu wakaŵavye dada nesi mama.

. . . wambura upapi, . . .

Iyo wakaŵavye munyake uko Iyo wakababikako, wakaŵavye upapi. Iyo nyengo zose wakaŵa. “Wambura upapi.”

. . . wakaŵavye chiyambi cha mazuŵa, . . .

Iyo wakaŵavye nyengo apo Iyo wakayambira.

. . . nesi umaliro wa umoyo; . . .

Nthena wakaŵa chinyake yayi kweni Chiuta. Ndicho chekha Ichi chikamanya kuŵa.

²³ Sono, sono usange imwe muwonenge apo ise tikuŵazga vesi lakurondezgako. Mukuwona? “Chakudankha, pakuŵa mwa kutanthauzira, Fumu ya urunji.” Uko nthu ndiko ine nkukhumba kuti nichite. A—vesi 3:

. . . nesi umaliro wa umoyo; kweni wakalengeka wakukozgana ngati Mwana wa Chiuta; . . .

Sono, Iyo nthu wakaŵa Mwana wa Chiuta, pakuti, usange Iyo wakaŵa Mwana, Iyo wakaŵa na chiyambi. Ndipo Munthu uyu wakaŵavye chiyambi. Usange Iyo wakaŵa Mwana, Iyo wakayenera kuŵa na wose dada na mama. “Ndipo Munthu uyu wakaŵavye dada nesi mama. Kweni Iyo wakalengeka wakukozgana ngati Mwana wa Chiuta.”

. . . wakukhalirira msofi rutaruta.

²⁴ Sono, Dr. Scofield wakuyezga kuyowoya, kuti, “Ukaŵa usofi, ukachemeka, ‘Usofi wa Melekizedeki.’”

Kweni ine nkukhumba waka kuti ndimutoreni imwe pa icho pa maminiti ghachoko waka. Usange uwu ukaŵa usofi, ipo uwu ukayenera kuŵa na chiyambi, ndipo uwu ukayenera kuŵa na umaliro. Kweni, “Uwu ukaŵavye chiyambi panji ukaŵavye umaliro.” Ndipo iyo nthu wakayowoya kuti iyo wakakumana na usofi. Iyo wakakumana na Munthu, ndipo wakamuchema Zina Lake “Melekizedeki.” Iyo wakaŵa Munthu, nthu bungwe, nthu a—a—usofi panji udada. Iyo mwakufikapo wakaŵa Munthu wakumanyikwa na Zina lakuti Melekizedeki, uyo wakaŵa Fumu ya Yerusalemu. Nthu usofi, kweni Fumu yambura dada. Usofi ulije dada. “Ndipo Munthu uyu wakaŵavye dada, wakaŵavye

mama, wambura chiyambi cha mazuŵa panji umaliro wa umoyo.” Sono, Mwana wa Chiuta. . .

25 Cheneicho uyu wakaŵa, uyu wakaŵa Yehova. Uyu wakaŵa Chiuta Mwenenkhongono Iyomwene. Uyu nthena wakaŵa munyake yayi.

26 Sono wonani, “Iyo wakukhalirira muyirayira.” Iyo wali na ukaboni apa, wakuti, “Iyo ngwamoyo. Iyo wakufwa yayi.” Iyo nthā. . . Iyo nthā wakaŵa chinyake kweni wamoyo. “Iyo wakukhalirira muyirayira.”

27 Sono, Yesu wakalengeka, wakukozgana na Iyo. Sono, chifukwa icho paliri mphambano pakatikati pa Chiuta na Yesu: Yesu wakaŵa na chiyambi; Chiuta wakaŵavye chiyambi. Melekizedeki wakaŵavye chiyambi, ndipo Yesu wakaŵa na chiyambi. Kweni Yesu wakalengeka, wakukozgana na Iyo. “Msofi, wakukhalirira muyirayira.”

28 Sono, para Melekizedeki wakaŵa pa charu chapasi, Iyo wakaŵa chinyake yayi mu charu kweni a—Yehova Chiuta wakawonekera mu chakulengeka, Iyo wakaŵa kuno ngati thupi lauzimu. Abraham wakakumana nayo nyengo yimoza, mu hema lake. Ndipo umo ise tanguyowoyera mlenji uwu, “Abraham wakamumanya Iyo. Ndipo Iyo wakamuphalira Abraham icho Iyo wakati wachitenge, chifukwa Iyo nthena wakati wamurekenge wachiburumutira yayi muhaliri wa charu ku vinthu ivyo Iyo wakati wachitenge.”

29 Uli ine nilekezgere apa miniti pera, kuti ndiyowoye, Chiuta wachali na fundo yenyira za Mpingo Wake. Imwe ndimwe ŵana ŵa mdima yayi. Imwe ndimwe ŵana ŵa Kuŵara. Ndipo a. . . ise taŵeneise. . . “Ŵakutumbikika ndi ŵakuzika, pakuti iwo ŵati ŵaharengenge charu chapasi.” Ndipo kasi nthena Chiuta, Uyo wakachita kwa—kwa Abraham, uyo wakayenera kuti wahare charu. . . Ndipo Iyo wakati, “Ine nibisenge yayi vinthu ivi kwa munthu uyo wazamkuhara charu chapasi.” Kasi Iyo wavumburengenge pakuru uli visisi Vyake ku Mpingo Wake uwo uzamkuhara charu chapasi!

30 Daniel wakati, “Mu dazi lira iwo ŵazamkuchimbira uku na uko, kumanya kuzamukura.” Ndipo iyo wakati, “Ŵavinjeru ŵazakumumanya Chiuta wawo, mu dazi lira, ndipo ŵazamuchita vikuru mu dazi lira. Kweni ŵaheni ŵazakumumanya yayi Chiuta wa Kuchanya.” Iwo ŵakumumanya Iyo mu kawonekero na mu mwambo, ngati ndiumo chisambizgo chithu chakudankha chikayowoyera, kweni iwo ŵakumumanya yayi Iyo kwizira mu nthowa yakufikapo.

31 Ndipo Chiuta wakuteŵeta kwizira mu kufikapo pera, chifukwa Iyo ngwakufikapo. Litumbikike Zina Lake! Iyi yikwenera kuŵa nthowa yakufikapo iyo Chiuta wakuteŵeteramo, chifukwa Iyo wangachita chirichose yayi

kweni kuteweta kwizira mu kufikapo. Iyo wangajikazuzga yayi Iyomwene munthowa yiriyose. Ndipo nthaura ndicho chifukwa Yesu wakiza kuzakafumiskapo zakwananga zithu, mwakuti ise tingamanya kuwa wakufikapo, mwakuti Chiuta wangamanya kuteweta kwizira mu Mpingo Wake. Apo ndipo pagona chisisi.

Apo ndipo charu ntchakuburumutizgika. Apo ndipo iwo wakukhumba kuti wayowoye, kuti, “Imwe mwataya malingaliro ghinu.” Apo ndipo iwo wakukhumba kuti wayowoye, “Imwe mukumanya yayi icho imwe mukuyowoya.”

Chifukwa, “Vinthu ivi vya Yehova mbuchindere ku vinjeru vya charu ichi. Kweni vinthu vya charu ndi vya nyengo yichoko kwa wakugomezga.” Nthaura, imwe ndimwe munthu wakulekana, imwe mukukhala mu chigaŵa chakulekana. Imwe nthanda ndimweso wa charu ichi. Imwe mwajumpha kufuma ku umoyo uwu mwanjira mu Umoyo uphya.

³² Ipo, Chiuta wakuvumbura, nthanda ku charu, nthanda kwa wakuwazga malingaliro, nthanda ku wapharazgi wakusambira, kweni ku wakujikhizga mu mtima. Wanthu Wake awo mbakuzika, Iyo wavumburenge visisi vya vinthu vikuru vya Chiuta, kwa iwo. Imwe mukuchiwona ichi?

³³ Sono, sono, Abraham ndiyo wakati waharengere charu. Kwizira mwa... Mbewu ya Abraham mitundu yose yikenera kuti yitumbikike. Nthaura Chiuta wakakhira ndipo wakayowoya kwa iyo, mu kawonekero ka Munthu.

Sono, Chiuta nyengo zose wali kuwa pa charu chapasi. Chiuta wandafumepo pa charu chapasi. Usange Iyo wangafumapo pa charu chapasi, ine nkhumanya yayi kasi chingachitika ntchichi na ichi. Kweni Chiuta nyengo zose wali kuwa pano mu kawonekero kanyake. O, rumbani Zina Lake!

³⁴ Iyo wakaŵa na wana mu mapopa, pa kufuma mu Egupto, mu kawonekero ka Kuwara. Iyo wakayowoya kwa Abraham mu kawonekero ka Munthu. Iyo wakayowoya kwa Moses mu kawonekero ka Munthu. Iyo wakayowoya ku Mpingo mu kawonekero ka Munthu, Mwana Wake, Khristu Yesu.

Ndipo Iyo wakuyowoya kwizira mu Mpingo Wake muhanyauno, kwizira mu Mpingo wakuphakazgika wa Chiuta wamoyo, kwizira mu visero vya dongo. “Imwe ndimwe minthavi. Ine ndine Mpheska.” Chiuta wachali kuyowoya, ndipo charu chikuwona Yesu apo imwe mukumuwoneska Iyo. Umo ndimo charu chikuwonera... “Imwe ndimwe makalata ghakulembeka, ghakuwazgika na wanthu wose.” Umoyo winu ukuphala icho imwe muli.

³⁵ Sono, Abraham uyu pa ulendo wake, wakuwerako. Ise tiwererenge kumanyuma na kuwazga za iyo nyengo zichoko waka, mu Buku la Genesis. Mu chipatulo 14 cha Genesis, ine nkugomezga ndilo ili. O, umo nkhani yiliri yakutowa apa! Sono, ise tose tikumanya za Abraham, umo Chiuta

wakamuchemera iyo kufuma ku charu cha Kaldi na msumba wa Ur, ndipo wakamuphalira iyo kuti wajipatule ijomwene ku wabwezi wake.

Chiuta wakuchema wānarumi panji wānakazi, Iyo wakuchema kupatukana.

³⁶ Sono, ilo ndilo suzgo na mipingo muhanyauno, iwo wākukhumba yayi kujipatulako iwoŵene ku wākuthupi wākale waku-... wāmbura kugomezga. Ndicho chifukwa ise tingarutirira munthazi yayi. Ise tikunjira waka mu kwenda kumozza kwakuthupi, ndipo ise—ise tikuti, “O, Jim ndi munthu muweme, usange iyo wakuchitapo chakumwa. Usange iyo... Ndipo ine nk huruta nayo kwa kusewera pool, kweni ine nk husewera yayi pool. Ine—ine—ine nk huruta nayo ku phwando. Iwo wākuyowoya nthabwara zaukazuzi, na vinyake nthaura, kweni ine nk huyowoya chirichose yayi.”

³⁷ “Fumanipo pakati pawo.” Uwo mbunenesko. “Jipatureni mwaŵene. Rekani kukhwaska vinthu vyawo vya ukazuzi, ndipo Ine nimupokerereninge imwe,” wakuti Yehova. “Ntha mungabatikananga na wāmbura kugomezga, rekani kubatikana nawo pamoza.” Ntha mungachitanga ichi. Jipatureniko mwaŵene.

³⁸ Ndipo Chiuta wakamuchema Abraham kuti wajipatule ijomwene ku wabale wake wose, na kuti wayende na Iyo. M'bale, nyengo zinyake ichi chikung'anamura kuwureka mpingo. Ichi chikang'anamura nthaura kwa Paulos. Iyo wakayenera kuti waureka mpingo wake. Chikang'anamura icho ku wānandi. Nyengo zinyake ichi chikung'anamura kufumapo pa nyumba. Nyengo zinyake ichi chikung'anamura kufumako kwa dada na mama, na kureka vyose. Ine ntha nk hung'anamura kuyowoya kuti ichi chikuchita nyengo zose, kweni nyengo zinyake ichi chikuchita. Ichi chikung'anamura kuti imwe mukwenera kuti mufumiskepo chirichose pakatikati pa imwe na Chiuta, na kwenda na Iyo pera. O, wakutumbikika ula, ubale uweme, wenenawene ula uwo imwe muli nawo para imwe mukujipaturako mwaŵene ku vinthu vya charu na wākugomezga wākuthupi awo wākumusekani imwe, ndipo yendani mwekha na Khristu!

³⁹ Kasi ndi kalinga kuti ine ndiri kumuwonga Chiuta! Iyo wakati, “Ine ndimupeninge imwe wādada na wāmama mu charu chasono ichi. Ine ndimumupeninge imwe wabwezi na wākovwirana nawo. Ndipo ine ntha ndizamkumusidani imwe, nesi ine kumurekani imwe. Nangauli charu chose chingarazgira msana wake kwa iwe, Ine ndiyendenge nawe, kufika ku umaliro wa nthowa.”

⁴⁰ Ndi mwaŵi uli wakutumbikika, munthu yura wali na bechu yura wakuti warondezge Fumu Yesu, kuti wajipatureko ijomwene ku wabwezi wake wākuthupi, kuti warondezge

Fumu! Ndipo usange munyake ntha wakuwoneska kuti wali na nkharo yiweme, na kuti wajiwoneske iwoŵene ngati Wākristu, kweni wakutemwa vinthu vyakuthupi, ntchiweme chomene kwa iwe kuti upenje mubwezi wakwenerera mwaluŵiro. Uwo mbunenesko. Ndipo usange palije munyake wayendenge na iwe, walipo Yumoza uyo wakalayizga kuti wayendenge nawe. Uyu ndi, wakutumbikika Fumu Yesu, Iyo wayendenge nawe.

⁴¹ Chiuta wakaphalira Abraham kuti, “Jipatureko wamwene.” Ndipo ngati munthu waka umo Abraham wakaŵira, iyo wakatora dada wake paulendo, iyo wakatora mwana wa mukuru wake paulendo, muphwa wake; wose kuskeperera pa iyo. Ndipo Chiuta ntha wakamutumbika iyo mpaka iyo wakachita icho Chiuta wakamuphalira iyo kuti wachite.

⁴² Ine ntha nkhuwoyoya kuti iwe ndiwe Mukristu yayi. Kuti, ine ntha nkhuwuskapo pa ukristu. Kweni ine ndiyowoyenge ichi, kuti usange Chiuta wakakuphalira chinyake chakuti iwe uchite, Iyo wakutumbikenge yayi mpaka iwe uchite ichi. Ine ndiri pa gome usiku uwu na chimoza cha vinthu ivyo vyandinyekezga ine. Maungano ghane ntha ghali kuŵa icho igho ghakayenera kuŵa, pa virimika viŵiri vyajumpha. Ndi chifukwa chakuti ine ndiri kuyinangira Fumu. Iyo wakandiphalira ine kuti, “Urute ku Africa, ndipo pamanyuma ku India.” Ichi chiri apa, chalembeke nkhanira apa, kumanyuma kwa Buku ili, sono nthena.

⁴³ Manejara wakaniyimbira ine, wakati, “Wāreke ŵina Africa ŵakhale. India ngwakunozgeka.”

⁴⁴ Mzimu Mutuŵa wakakumana nane, wakati, “Iwe urute ku Africa ngati ndiumo ine nkhakuphalirira iwe.”

⁴⁵ Ndipo chirimika chinyake chikajumpha. Ndipo mamanejara. . . Ine nkharuwa za Ichi. Iyo wakati, “Ise tikuruta ku India. Matikiti tiri nagho kale apa.”

⁴⁶ Ine nkhanyamuka, nkharuwa Ichi mpaka ine nkhafika ku Lisbon. Usiku umoza, kuti, ine nkhanghanaghana kuti ine nkhafwanga. Mlenji wakurondezgako ine nkhanyamuka, kuruta ku chipinda cha kugezerako, kuti nkhaveze. O, ine nkharwara chomene, ine nkhatondeka kuyimirira. Kula, Kuŵara kula kulenderanga mu chipinda cha kugezera, kukati, “Ine nkhatenkhakuphalira kuti, ‘Urute ku Africa, chakudankha.’”

⁴⁷ Maungano ghane ghakhala ghakutondeka pachokopachoko kufumira nyengo yira. Nangauli ine nkharuta ku India, na pafupifupi hafu miliyoni ŵayimilira kula, kweni icho ntha kukaŵa kuchitanga icho Chiuta wakayowoya kuti chita. Ine nkhuwona kuti maungano ghane ntha ghazamkwenda makora mpaka ine ndiwerere nkhanira kumanyuma na kukanozga chinthu chira. Palije kanthu kwali ine nkhuwona vichi, ndi Africa, chakudankha, chifukwa iwe ukwenera kuti uchite ichi. Apo pali Mazgu Ghamuyirayira gha Chiuta, ghali apo. Ine

nkhamanya makora kuruska icho. Kweni ine nkhuenera kuti ndiwerere. Ndipo ine nkhuwona kuti chirimika chikwiza ichi ndi yane kuti ndikhwaŵe ndifumemo mu chikwa, mwa kovwirika na Fumu.

⁴⁸ Lauchindami ili, Ivangeli lakale ilo lakhala likukura mwakuphweka, ngati khuni la oak, kweni ine nkhuomezga ili lakhala pafupi kuti litambasure minthavi yake sono. Ine nkhuomezga ichi, Uthenga ukuru uwu na chinthu chikuru, ine nkhuomezga kuti Fumu yitizomerezgenge ise tisunkhunyire charu kamozaso ku uchindami wa Chiuta.

⁴⁹ Imwe mukwenera kuti muchite icho Chiuta wakamuphalirani kuti muchite. Ndipo Abraham wakarutirira, wakatora ŵabale ŵake pamoza na iyo. Iyo wakaŵatemwa iwo. Ilo ndi gawo la umunthu. Kweni pakati pajumpha kanyengo, pachoko na pachoko, dada wake wakafwa ndipo iyo wakamusunga iyo. Ntheura iyo wakaŵa na muphwa wake, mbwenu mbembe na mikangano vikayambika. Ndipo, paumaliro, Lot wakapanga chisankho chake ndipo wakaruta ku Sodom. Ndipo imwe mukumuwona Abraham, iyo ntho wakakangana na Lot. Iyo wakati, “Ise ndise ŵabale. Ise tingakangananga yayi. Kweni iwe yinuska mutu wako ndipo ruta kulikose iwe ukukhumba kuruta. Usange iwe urutenge kuvuma, ine ndirutenge kuzambwe. Iwe urutenge kumpoto, ine ndirutenge kumwera.” Ako ndi kachitiro ka Chikhristu, uŵe wakuzomerezga kupereka kwa munthu munyake chinthu chiweme chomene. Nyengo zose pereka ichi kwa iyo, mureke iyo wapange chisankho chake.

⁵⁰ Pachifukwa uli? Ntchivichi chikamupangiska Abraham kuchita ichi? Iyo wakamanya kuti iyo wakalayizgika na Chiuta kuti iyo wazamkuhara chinthu chose, munthowa yiriyose. Amen. Ntheura, pamanyuma, hema panji kanyumba, ntchifukwa uli ise tidandaurenge? Chinthu chose ntchithu. “Ŵakutumbikika ndi ŵakuzika pakuti iwo ŵazamkuhara charu chapasi.” Ichi chose ntcha ise. Chiuta wakayowoya ntheura. Ntheura perekani kwa munthu chiweme chomene cha kusankha, usange iyo wakukhumba. Panji ndicho chekha iyo wazamkuŵapo nacho. Kweni chose ichi ntchinu, ŵahaliri ŵa chiponosko kwizira mu phangano. Ichi chose ntchinu.

⁵¹ Ntheura, Sara, mwanakazi wakutowa chomene mu charu, iyo wakakhala pachanya apo mumphepete mwa phiri na mfumu wake ngati ndiumo iyo wakayenera kuchitira. Iyo wakuphweka, enya, panji wakavwara madiresi ghambura maluŵa ghamatakisi, panji chirichose imwe mukukhumba kuchema ichi. Apo, Mrs. Lot wakavwara ngati miliyoneya. Ndipo mfumu wake wakaŵa mulara wa msumba. Iyo wakaŵa mweruzgi uyo wakakhalanga pa chipata. Iyo wakaŵa na chrichose; wakaŵapo pa magulu ghose gha vyakusona, na maphwando gha maseŵero agho ghakachitika mu Sodom na

Gomora. Kweni Sara wakaŵa wakukondwereskeka chomene kukhala na mfumu wake umoyo waukavu, na kumanya kuti iyo wakaŵa mu khumbo la Chiuta, kuruska kunjoyanga mausambazi ghara, panji, sangurusko la mausambazi gha pa kanyengo. Uwo mbunenesko. Apo ndi penepapo Chiuta wakwiza kuzakakuyendera.

⁵² Ndipo dazi limoza, imwe, mu unenesko waka apo imwe mukutora nthowa yakwanangika, ichi chizakumusangani imwe dazi linyake. Imwe panji mungaghanaghana kuti imwe muchitenge makora. Imwe panji mungaghanaghana kuti imwe mukuchita makora, kweni imwe mukuchita makora yayi. Panyake chingawoneka ngati kuti chose chabenekerereka, kweni ichi ntchakubenekerereka yayi. Chiuta wakumanya chirichose. Iyo wakumanya kwali imwe mukung'anamura kuvumbura kwananga kwinu kweneko panji yayi. Iyo wakumanya kwali imwe mukuneneska nadi kuti imwe mukumugomezga Iyo ndipo ndimwe ŵakuponoskeka, ndipo mwamuzomera Iyo, ndipo imwe ndimwe ŵakufwa ku vinthu vya charu, ndipo imwe ndimwe ŵamoyo mwa Khristu. Iyo wakumanya icho.

⁵³ Sono, ise tikuwona Abraham, ine nkhukhumba kuti imwe muwone mzimu weneko uwu. O, chinthu chose chakutumbikika apa ndi uchizi. Ine nkhukhumba kuti imwe muŵazge pamoza nane sono kufumira mu chipatulo 14 cha Exodus, pa kanyengo waka.

⁵⁴ Sono, chinthu chakudankha icho chikachitika para iwo ŵakati ŵafika kula, Lot wakanjira mu suzgo. Chifukwa? Iyo wakaŵa kuwaro kwa khumbo la Chiuta. Ndipo usange imwe mwanjira mu suzgo para imwe muli mu khumbo la Chiuta, Chiuta wamovwireninge imwe mufumemo. Kweni usange imwe muli mu suzgo, kuwaro kwa khumbo la Chiuta, pali chinthu chimoza pera chakuti muchite, wererani mu khumbo la Chiuta kamozaso.

⁵⁵ Sono, mafumu ghose ghakachemerana pamoza, ndipo igho ghakaghanaghana kuti vidikha kusika kula vikaŵa na maji ghakukwanira, ndipo iwo ŵarutenge waka na kutora Sodom muchoko wakale uyu, Gomora, kupoka uyu. Ndipo iwo ŵakachita. Ndipo para iwo ŵakati ŵaruta ndipo ŵakapoka uyu, iwo ŵakatora Lot pamoza na iwo.

⁵⁶ Ine nkhukhumba kuti imwe muwone Mzimu wa Khristu apa mwa Abraham. Sono wonani vesi 14.

Ndipo para Abraham wakupulika kuti m'bale wake... (Mukupulikiska ichi?) ...m'bale wake wakakoreka umikoli, iyo wakatora ŵantchito ŵake ŵakusambizgika, ŵakubabika mu nyumba yake, firii handiredi na eyitini, ndipo wakaŵarondora iwo kukafika ku Dan.

57 O, ghanoghano lakutumbikika uli la uchizi! Abraham, para m'bale wake, nangauli wakawa ku uchizi, nangauli wakaŵa mu kaŵiro aka kakuwereranyuma, para iyo wakati wapulika kuti charu chikamukora iyo, ndipo chikamutora iyo ndipo chikaruta nayo, kuti chikamukome iyo, Abraham wakachita mwa Mzimu wa Khristu. Iyo wakiza ndipo wakatora ŵanthu ŵake wose awo ŵakababikira mu nyumba yake, ndipo wakaŵarondora iwo, ndipo wakaŵarondora iwo ulendo wose kuruta ku Dan. Ndipo Dan wali kuvigaŵa vyakutali chomene vya Palestina, “Dan kufika Beer-sheba,” kufuma ku umaliro umoza kufika ku unyake. Ndipo ichi ndi chilinganizgo cha Khristu, para Iyo wakati wawona kuti charu chikatora... chikawa, kuti Iyo wakamurondora murwani kufika ku umaliro, kuti waupokerereso mtundu wakuwa wa Adam.

58 Ine nkikhumba kuti imwe muwone vesi lakurondezgako, umo Mzimu ukuyowoyera makora chomene kwizira mwa iyo. Viri makora, vesi 15 sono.

Ndipo iyo wakawombora vyose (vyose) katundu, ndipo kweniso wakawomboraso m'bale wake Lot, na katundu wake, na ŵanakazi nawoso, na ŵanthu.

59 Para Abraham wakati wamurondora mumanyuma murwani uyo wakatora m'bale wake, iyo wakamurondora iyo ulendo wose kujumpha charu, kufika ku Dan, ndipo wakawombora chirichose icho iyo wakataya mu kuwa.

60 Chithuzithuzi chiweme uli cha Khristu, Uyo wakapulika Kuchanya kuti ise tikatayika ndipo wakiza ndipo wakamurondora murwani, ulendo wose kufika ku gehena, ndipo wakatora mauzima ghakutayika ndipo wakiza nase ise ndipo wakatiwezgereska ise ku chirichose icho ise tikaŵa nacho pambere kundachitike kuwa! Ise, ŵakuwereranyuma, ise taŵeneise tikababika kuŵa ŵana ŵa Chiuta, taŵeneise tikatimbanizgikira mu ŵana ŵa devulu, ndipo tikazgoka... tikarondezga vinthu vya charu, ndipo tikachita kwananga, ndipo tikachita mwa uzukusi ngati ndiumo Lot wakachitira, kuguriskanga mauŵere githu na kuchitanga vinthu vya charu. Khristu wakiza. Nangauli ŵakuwa; Chiuta, kumanyanga mu mtendeko uyo wazamkuponoskeka na uyo wazamkuponoskeka yayi, ntheura wakiza ndipo wakamurondora murwani kujumpha mu umoyo, kujumpha mu nyifwa, kujumpha mu paradiso, kunjira mu gehena. Ndipo ulendo wose kufuma ku Uchindami kufika ku gehena, ndipo wakatora a—nkhongono za gehena, na makiyi kufuma kwa devulu, ndipo wakawukaso, ndipo wakawezgereska ku mtundu wa ŵanthu, mwakuti iyo wangamanya kuŵa ŵana ŵanarumi na ŵana ŵanakazi ŵa Chiuta kamozaso.

61 Mukuwona Mzimu mwa Abraham kula, Mzimu wa Khristu kwizanga na iyo?

62 Sono ine nkukhumba kuti imwe muwone mwakurutirirako pachoko, apo ise tikuwazga.

Ndipo fumu ya Sodom yikaruta kukakumana nayo pamanyuma pakuti iyo wakati wawerako kukakoma fumu iyi ya Kaldi, ndipo . . . mafumu . . . wakaŵa na iyo, mu chidikha cha Shave, cheneicho ndi chidikha cha fumu.

63 Iwo wakaruta. Fumu ya Sodom yikawomboreka. M'bale wake wakawomboreka. Wana wakawomboreka. Ndipo uku ghakaruta mafumu kukakumana nayo. Ndipo, kweniso, apa ndi penepapo ine nkukhumba kuti ndifike, uthenga sono. Wonani apa.

Ndipo—ndipo Melekizedeki, fumu ya Salemu (Fumu ya Yerusalemu, Fumu ya mtende) yikanyamura chingwa na vinyo: ndipo iyo wakaŵa msofi wa Chiuta chikurukuru.

Ndipo iyo wakamutumbika iyo, ndipo wakati, Wakutumbikika waŵe Abraham wa Chiuta chikurukuru, mweneko wa machanya na charu chapasi:

64 Melekizedeki, Fumu ya Salemu, nayoso yikajiwoneska Iyoyene pakati pa mafumu ghanyake. Ndipo wonani, nkondo yikamara, Mzimu wa Chiuta mwa Abraham, wa Khristu, uwo ukamuwombora m'bale wake wakuwa, nthura wakamuwezgereska iyo ku kaŵiro ka wanangwa wake, ku vyose ivyo iyo wakataya. Iyo wakawombora ichi. Ndipo para iyo wakati wachita, Iyo wakapereka chingwa na vinyo, monesko. Kasi imwe mukuwona yayi Icho Melekizedeki yura wakaŵa? Wakaŵa Chiuta. Wakapereka monesko, nkondo yikati yamara.

65 Sono tiyeni tijureso, ku Mateyu 26:26, nkhanira mwaluŵiro, ndipo tiwone icho Yesu wakayowoya apa za icho. Mu Buku la Mateyu, chipatulo 26 ndipo kweniso vesi 26, ise tikukhumba kuti tiwazgepo pachoko waka apa. Viri makora, Mateyu 26:26.

Nthura Yesu wakwiza na iwo ku malo ghakuchemeka Gologota, Gologota, panji, Gethsemane, (Ine nkhang'anamura,) ndipo wakati ku wasambiri ŵake, Imwe khalani pano, apo ine nkuruta kukaromba.

66 Ine nkugomezga kuti ine najura Lemba linyake. Mateyu, twente- . . . vesi 26 la chipatulo 26. Usange munyake walisanga ili, waniwazgire ine, usange imwe—usange imwe mungalisanga ili. Miniti pera. Ichi ndi chithuzithuzi chiweme apa. Ine nkukhumba yayi kuti imwe muphonye ichi. Ise tiri apa. Uyo walisanga ili, mlongosi.

Ndipo apo iwo wakaryanga, Yesu wakatora chingwa, ndipo wakachitumbika ichi, . . .

Kasi chikaŵa chivichi? Nkondo yikamara.

. . . wakamenya ichi, ndipo wakapereka ku ŵasambiri ŵake, ndipo wakati, Torani, ndipo ryaninge; ili ndi thupi lane.

67 Mwamuwona Melekizedeki yura? Virimika mahandiredi pambere chindachitike, para Iyo wakakumana na Abraham, para nkhondo yikati yamara, Iyo wakapereka chingwa na vinyo. Ndipo apa Yesu wakuŵapa ŵasambiri, para nkhondo Yake yinonono yikati yamara, Iyo wakuŵapa iwo chingwa na vinyo. Wonani. Wonani Kwiza kwa kunthazi.

Ndipo iyo wakatora nkhombo, ndipo—ndipo wakawonga, ndipo wakapereka iyi kwa iwo, wakati, Imwaninge mose mu iyi;

Pakuti izi ndi ndopa zane za phangano liphya, izo zathiskikira ku . . . zakwananga na kugowokereka kwa zakwananga.

Kweni ine nkhumunenerani, ine nimwengeso yayi chipaso cha mpheska, mpaka dazi lira para ine nizamkumwa kamozaso na imwe mu ufumu wa Ŵadada.

68 Ise tiri mu nkhondo sono. Ise tikuronda m’bale withu wakuwa, uyo Chiuta, pambere charu chindaŵeko, wakamuwona ndipo wakamusankhirathu ku Umoyo Wamuyirayira. Ndipo vinthu vya charu vyamunyamulira iyo mu kavuluvulu. Iyo wali kuwaro uko mu mawupu na magulu, iyo na muwoli wake, kwendanga kukwera na kukhira misewu, kukhweŵanga na kumwa na kutchayanga njuga, kuyezganga kuti ŵasange mtende. Ndipo Mzimu wa Khristu mwa ise, umo Uwu ukamanya kuŵira mwa Abraham, ise tikuruta kukamupenja iyo. Na mahomwa ghose gha Chiuta, Ŵangelo ŵa Chiuta ŵatizingilira, ise taruta kukamuwombora m’bale withu wakuwa.

69 Ndipo para nkhondo yamara, ise tamkukumana na Melekizedeki kamozaso, kutumbika Chiuta, Uyo wakatumbika Abraham kula, ndipo wakamupa iyo thumbiko, ndipo wakamupa iyo chingwa na vinyo, monesko. Ndipo para nkhondo yamara, ise tamkumana na Iyo. Ise taŵeneise ndise ŵahaliri ŵa phangano la Abraham, ŵahaliri pamoza na Khristu mu Ufumu, tamkukumana na Iyo pa umaliro wa ulendo, na kutora chingwa na vinyo, kamozaso, para nkhondo yamara.

70 Kasi Ndinjani Melekizedeki Uyu? “Mweneuyo wakuŵavye dada, wakuŵavye mama, wakuŵavye chiyambi cha mazuŵa panji umaliro wa umoyo.” Iyo wazamkuŵako Kula kuti wapereke monesko kamozaso. Imwe mukupulikiska ichi?

71 Para ise tikuwuka, pa mausiku ghanyake, para ise tikwiza pamoza na kutora monesko kufuma mu mawoko gha ŵapharazgi, kuyimiranga kuti ise tikugomezga mu nyifwa, kusungika, na chiwuka cha Fumu Yesu, kuti chidiko chira, Thupi Lake ilo Iyo wakabenekekamo, Chiuta, ise tikutora ichi,

ngati chamwimilira, “Ise ndise wākufwa ku vinthu vya charu, ndipo tababikaso na Mzimu.” Ndipo ise tikwenda na Thupi la Khristu, wākugomezga wose pamoza.

⁷² Para nkondo yikuru yamara, ndipo ise tikwizaso na Khristu, ise tizamutora monesko na Iyo mu Ufumu wa Chiuta, kamozaso; na kurya thupi, na kumwa ndopa za magirepi kamozaso, mu Ufumu wa Chiuta. O! Apo pali Melekizedeki. Ndicho Iyo wakaŵa.

⁷³ Sono tiyeni tiwāzge mwakurutirirako pachoko waka za Iyo apa, ndipo vesi 18.

Ndipo Melekizedeki fumu ya Salemu yikapereka chingwa na vinyo: . . . (Imwe mukupulikiska ichi?) . . . ndipo iyo wakaŵa msofi wa Chiuta chikurukuru.

Ndipo iyo wakamutumbika iyo, ndipo wakati, Wakutumbikika ndiwe Abraham wa Chiuta chikurukuru, muhaliri wa machanya na charu chapasi:

Ndipo iyo wakamutumbika iyo, . . . Ndipo iyo wakatumbika . . .

Ndipo wakutumbikika waŵe Chiuta chikurukuru, uyo wapereka ŵarwani ŵako mu woko lako. Ndipo iyo wakamupa iyo chakhumi cha vyose.

Iyo wakapereka vyakhumi kwa Melekizedeki. Abraham wakamupa Iyo chakhumi cha vyakusakata.

⁷⁴ Sono ine nkukhumba kuti imwe muwone apa apo Paulos wakurutirira, kupereka lufura ku chisambizgo icho chikwiza sono.

Ndipo fumu ya Sodom yikati kwa Abraham, Undipe ŵanthu, ndipo iwe ujitore katundu kwa wamwene.

Sono, fumu ya Sodom yikati, “Sono, iwe undipe waka ŵanthu ŵane, ndipo iwe ujitore katundu kwa wamwene.”

Ndipo Abraham wakati kwa fumu ya Sodom, ine ndakwezga woko lane kwa YEHOVA, Chiuta chikurukuru, . . .

El Elyon, “mweneke wa machanya na charu chapasi,” kula.

. . . Chiuta wapachanya chomene, mweneke wa machanya na charu chapasi,

Kuti ine nthā nitorengoko ulusi kwa iwe nanga ndi nthambo za skapato, . . .

Iyo wakaŵa na kampeni yikuru mwakuti wasangepo ndalama. Iyo wakakhumbanga waka m’bale wake wakuwa.

. . . ndipo kuti ine nthā nitorengoko chinthu chirichose cha iwe, mzire iwe uyowoye kuti, ine namusambaziska Abraham:

Kupaturako chekha icho wachinyamata warya, na phande la wanthu awo wakaruta nane, . . .

⁷⁵ Sono, ine nkhuKhumba kuti imwe muwone, Abraham wakati, “Ine nthā nditorengeko ulusi ku skapato.” Iyo wakachita nkKhondo yayi, kuti wapangepo ndalama zinandi. Ndipo nkKhondo zeneko nthā zikupangika na vyakulinga vya uzukusi. NkKhondo nthā zikurweka chifukwa cha ndalama. NkKhondo zikurweka chifukwa—chifukwa cha vyakulinga, chifukwa cha zifundo. Wanthu wakurwa nkKhondo chifukwa cha zifundo. Ndipo para Abraham wakaruta kuti wakamutore Lot, iyo nthā wakaruta chifukwa chakuti iyo wakamanya kuti iyo nthēna wakaghakwapula mafumu na kutora katundu wawo yose, iyo wakaruta pa fundo ya “kukaponoska m’bale wake.”

⁷⁶ Ndipo mupharazgi waliyose uyo watumika pasi pa ukhuwirizgi wa Fumu ya Kuchanya, nthā warutenge kupenjanga ndalama; nesi iyo warutenge kuti wakapange mipingo yikuruyikuru, nesi iyo warutenge kuti wakakuwirizge mabungwe. Iyo warutenge pa fundo yimoza pera, ndipo iyo ndi, “Kuti wakawombore m’bale wake wakuwa.” Kwali iyo wakusangapo wanu kwacha mu chakupereka panji kwali iyo wakusangapo yayi, ichi nthā chipangenge mphambano yiriyoze kwa iyo.

⁷⁷ Umo ine nkhuYowoyera, “NkKhondo zeneko zikurweka na kuchitika pa zifundo ndipo nthā chifukwa cha ndalama.” Ndipo wanarumi na wanakazi awo wakujoyina mpingo na kunjira mu mpingo, kuti watchuke, chifukwa wa Joneses wali mwenemula, panji iwo wakusintha mpingo wawo kufuma ku mpingo uchoko kuruta ku mpingo ukuru, iwe ukuchita ichi pa chakulinga chazukusi ndipo kulije fundo yakwenerera kuseri kwa ichi. Iwe ukwenera kunozgeka kuyimilira kumalo gha nkKhondo.

⁷⁸ Mu kachisi uyu muno, para vintu vikunangika, ndipo imwe wanarumi na imwe wanakazi muchimbirenge na kuruta kumalo kunyakeso, panji kukhala kuwaro mpaka kukangana kuchoko panji kurumana kumare, chiripo chinyake chakwanangika na chakumuchitikirani chinu. Mbunenesko.

⁷⁹ Ise tiri na mwambo kuno. Ise tiri na a—ise tiri na dongosolo kuno. Mpingo uwu uli kukhazikika pa fundo za Baibolo. Usange muli munyake muno uyo nthā wakuchita makora, ndipo iwe ukughanaghana kuti iwo nthā wakuchita makora, iwe urute kwa iyo ndipo ukamuyowoyiske iyo. Usange iwe ungamuwezgako yayi iyo, nthēura tora m’bale munyake pamoza na iwe, yumoza panji wanyake wawiri. Usange iyo wangawezgeka yayi, nthēura phalira ichi ku mpingo. Ndipo mpingo umusezgenge iyo, nthā uwēngeso na wenenawene na iyo. Ndipo Yesu wakati, “Chirichose iwe usuturenge pa charu chapasi, Ine ndisuturenge Kuchanya.”

⁸⁰ Ndicho chifukwa imwe muli na masuzgo ghanandi chomene, chifukwa imwe mukurondezga yayi marango gha Baibolo. Usange munyake mu mpingo wakuyambiska viwawa, panji chinyake kunangikanga, ndi ntchito yako yayi kubwetukanga za mwanarumi panji mwanakazi yura. Ndi ntchito yako kuruta kwa mwanarumi panji mwanakazi yura, na kumuphalira iyo kwananga kwake. Ndipo usange iyo nthā wakupulikirenge iwe, tora munyake pamoza na iwe. Iyo wapulikirenge yayi icho, nthēura mpingo ukumusezga iyo. Yesu wakati, “Icho iwe usuturenge pa charu chapasi, Ine ndisuturenge Kuchanya. Icho iwe ukakenge pa charu chapasi, Ine ndikakenge Kuchanya.” Iyo ndi nkhangono ya mpingo.

⁸¹ Kuno nthā kale chomene, mubwezi muweme wa ine mupharazgi, iyo wakaŵa na mnyamata, ndipo mnyamata yura wakhala wakuruta ku tchalitchi, tchalitchi lake yekha. Iyo wakafika ku malo uko iyo wakayamba kwendezguna na msungwana muchoko uyo wakakhweŵanga na kumwa na kuchitanga viheni. Mupharazgi wakati, “Nkhumanya, iyo ndi ntchito yake.” Mubwezi chomene wa ine, ndipo mnyamata muweme. Kweni iyo wakafika pa kutimbanizgika chomene na mwanakazi munyake; ndipo msungwana wakatengwapo, wakaŵa na ŵana, mfumu wake wakaŵa wamoyo. Iyo wakachita wofi kuti iwo ŵawenge na...mnyamata yura wamutorenge mwanakazi. Nthēura, m’bale wakatimbanizgika chomene. Ndipo iyo wakati kwa ine, “M’bale Branham, ine nkikhumba kuti iwe urute kwa mnyamata uyu *wakuti-wakuti* wa ine. Ine nkikhumba kuti iwe ukamuyowoyeske iyo.”

⁸² Ine nkhati, “M’bale...” Ine pafupifupi nkhasunura zina lake. “Iwe uli na nthowa yiwemiko. Kutuma ine yayi. Usange mnyamata nthā wakukhala umoyo wakwenerera, ndipo mpingo wamuwona iyo wakuchita kwananga, nthēura ndi chinthu chakuti mpingo uchite ntchito iyi. Icho chakhalira mpingo. Ndipo mpingo ukuruta ndipo ukumuphalira iyo.”

⁸³ Nthēura iyo wakatora m’bale, ndipo ŵakaruta ndipo ŵakamuphalira iyo. Ndipo iyo wakamuzgora m’bale, kumumanyiska iyo wamanye kuti iyo wakapwereranga vyakumanya yekha, kuti nayo wachitenge chimozi. Iyo wakatora m’bale munyake, ŵanyake ŵawiri, madikoni ghaŵiri ghakaruta ndipo ghakamuphalira mnyamata. Iyo wakupulikira yayi ichi. Iwo ŵakaphalira ichi ku mpingo. Ndipo iyo nthā wakizako mausiku ghangapo, kuti wawerere ku mpingo pamanyuma pakuti kwananga kwake kukati kwaphalirika ku mpingo. Pamanyuma, mpingo ukamusezga iyo.

⁸⁴ Ndipo pafupifupi mwezi kufuma nyengo yira iyo wakarwara chilaso, ndipo dokotala wakati, “Kuliye mwaŵi mu charu kuti iyo wakhale wamoyo.” Pamanyuma iyo wakiza wakukhwaŵa. Chiuta wakumanya umo wangachitira ichi.

⁸⁵ Ise tikuyezga kuchita ichi mwa taŵene, “O, imwe mukwenera kuti mumusezge *Wakuti-na-wakuti* wafumemo mu mpingo. Imwe mukwenera kuti muchite *ichi, icho, panji chinyake*.” Kasi imwe mwachita gawo linu ngati mpingo pa ichi? Apo imwe muli. Iyo ndi nthowa ya kuŵangapira iwo kuti ŵawereko ŵakukhwaŵa, ŵaperekeni iwo kwa devulu nyengo yimoza.

⁸⁶ Kasi Paulos wakayowoya vichi za mwanarumi uyu kusika kula uyo wakakhalinga na mama wake wa msangapo? Iwo ŵakatondeka kumuwezga iyo. Wakati, “Muperekeni iyo kwa devulu.” Wonani icho chikuchitika. Ndipo mu kalata yakurondezgako iyo Paulos wakalemba, munthu uyu wakanyoroskeka. Nadi. Chiuta wali na nthowa yakuchitira vinthu ivi, usange ise tirondezgenge waka marango Ghake.

⁸⁷ Usange chinyake chanangika mu mpingo, usange ichi chiri pakati pa gulu, waliyose wa imwe ŵabale. Usange chiri pa gulu la madikoni, yumoza wa imwe madikoni wali na nkharo yiheni, madikoni ghanyake ghafike na kukumana nayo, kuyezga kuti ŵamuwezgeko m’bale, kumuphalira iyo icho iyo wakuchita; panji yumoza wa imwe mamembara, chirichose imwe muli. Ntheura ichi chikwenera kuti chiyowoyeke panthazi pa iyo. Usange iyo wachitenge yayi ichi, ntheura zaninge mumuphalire mliska. Pamanyuma iyo wakusezgeka mu mpingo, ndipo ntheura mumutore iyo ngati wambura kugomezga na wakusonkheska msonkho. Ntheura wonani Fumu yiyambenge kuteŵeta pa iyo. Wonani, apo ndipo iyo wakujighanaghana makora iyomwene. Apo ndipo iyo wakyamba kukhwaŵa wakuwerako. Kweni ise tikuyezga kuchita ichi taŵene, imwe mukumanya, kuyezga kuchita a . . . chirichose umo ise tikwenera kuchitira ichi, sono, ise tikuphindura yayi.

⁸⁸ Sono, Melekizedeki uyu, Fumu ya Salemu, Kalonga, Msofi wa Chikurukuru, wakakumana na Abraham ndipo wakamutumbika iyo. Ndipo wakamupa Iyo vyakhumi vyake, Abraham wakachita. Ndipo Iyo wakawa Fumu ya Salemu. Ndipo Iyo wakatora chingwa na vinyo, monesko, ndipo wakapereka ichi kwa Abraham para nkondo yikati yamara, para ŵanthu ŵakati ŵagonjeskeka.

⁸⁹ Sono, “Nkhondo zose,” umo ine nkhuwowyera, “zikurweka pa zifundo.” Sono, usange imwe muli na nkondo yichoko mu tchalitchi, iyi yikwenera kuŵa pa fundo yakwenerera. Imwe mukwenera kuti mulimbanenge pa chinthu chakwenerera. Ndipo membara waliyose wa mpingo wakwenera kuti wachite icho. Sono, chisambizgo ichi ntcha ku mpingo. Icho ndicho ise tiriri kuno. Icho ndicho ine nkhuomezga kuno. Icho ndicho Mazgu gha Chiuta ghali, ku mpingo.

⁹⁰ Kuzomerezga yayi chinyake chitondeske mpingo uwu. Usange ichi chachita, imwe ndimwe ŵakwananga, waliyose wa

imwe. Ndipo imwe, mu mipingo yinu yakupambanapambana, usange chinyake chikwenda makora yayi mu mpingo winu, imwe ndimwe wakwananga, chifukwa imwe ndimwe mulaŵiriri wa mpingo ula. Ichi nthā chiri kwa mliska. Ichi nthā chiri ku gulu la madikoni. Ichi chiri kwa iwe, iwe munthu pawekha, kuti urute kwa m'bale yura ndipo uwone usange iwe ungamuwezgako iyo. Usange yayi, ipo torerapo ŵawiri panji ŵatatu pamoza na iwe, pamanyuma werako. Iyo wapulikirenge yayi icho, yowoya ichi ku mpingo. Pamanyuma iyo wakusezgeka mu Ufumu wa Chiuta. Chiuta wakati, "Usange imwe mwamusezga iyo kula, Ine ndimusezgenge iyo Kuno, usange imwe mwayendera mu dongosolo ili." Pamanyuma Iyo wamasurenge devulu warute kwa iyo kuti wamupangeso. . . thupi lake liparanyike. Ndipo iyo wawerengeko. Uwo mbunenesko. Umo ndimo imwe mungamupangira iyo kuti wawereko. Usange iyo ndi mwana wa Chiuta, iyo wawerengeko. Usange iyo ndiyo yayi, chifukwa—chifukwa, iyo warutirirenge, ndipo pamanyuma devulu wamutumenge iyo ku malo ghake Ghamuyirayira.

⁹¹ Sono, vyakulinga vya ichi. Usange imwe mukuchitorera waka ichi pa munyake, mbwenu icho ntchakulekana. Kweni, usange munthu wananga! Ndipo Lot wakakhirira kusika ndipo wakawereranyuma, nangauli iyo wakaŵa Muhebere. Iyo wakakhilira kusika ndipo wakawereranyuma. Iyo wakaŵa mu uchizi, kweni iyo wakawa kufuma ku uwu. Ndipo para iyo wakati wafuma. . . Ndipo Lot—Lot wakaponoskeka. Rekani kughanaghana kuti Lot wakaŵa wakuponoskeka yayi. Iyo wakaŵa. Chifukwa, nyengo yose para iyo wakaŵa mu malo ghakwananga, Baibolo likayowoya, kuti, "Zakwananga za Sodom zikatimbanizga uzima wake urunji dazi lililose." Sono, thupi lake likachitanga chinthu chimoza. Ndipo kasi umaliro wake ukaŵa vichi? Iyo wakiziska soni zikuru. Muwoli wake wakazgoka bumira la mchere. Iyo wakababa ŵana mu ŵana ŵake ŵanakazi. Ntheura, imwe mungamaya kuwona soni izo chikiziska ichi, chifukwa iyo wakawa kufuma ku uchizi ndipo nthā wakajiwezgako iyomwene. Ndipo Chiuta wakamufumiskapo iyo pa charu chapasi.

⁹² Kweni, ndipouli, iyo wakaŵa m'bale wakuwa, ndipo Abraham wakachita chose iyo wakamanya kuchita kuti wamuwomboreko iyo. Ndipo Mzimu uwo ukaŵa mwa Abraham, ndi Mzimu wa Khristu uwo uli mu mpingo muhanyauno. Palije kanthu kwali m'bale wachita vichi, imwe muchitenge chose imwe mungamanya kuchita kuti mumuwezgereske iyo mu wenenawene wa Khristu kamosaso. Palije kanthu kwali iyo wachita vichi, imwe muyezeskenge chomene.

⁹³ Sono, ise tikukhumba kuti tiwoneso apa sono kamosaso, apo ise tikurutirira na chisambizgo ichi cha Melekizedeki uyu, Msofi mukuru uyu wa Salemu, ndipo mweneko wa Kuchanya na charu chapasi. Sono, pakuŵa wakudankha:

Wambura dada, wambura mama, wambura upapi, wambura chiyambi cha mazwiwa, nesi umaliro wa umoyo; kweni wakalengeka wakukozgana ngati Mwana wa Chiuta; wakukhalirira msofi rutaruta.

Sono wonani. Iyo nthu wakaŵa Mwana wa Chiuta, Iyo wakaŵa Chiuta wa Mwana. Iyo nthu wakaŵa Mwana wa Chiuta, Melekizedeki wakaŵa yayi, kweni Iyo wakaŵa Wiske wa Mwana wa Chiuta.

⁹⁴ Sono, thupi ili leneilo Iyo wakaŵa nalo, Iyo wakachita kulenga. Ili nthu likababika kwizira mu mwanakazi. Ntheura na thupi lira lakulengeka, Iyo nthu . . . Thupi linyake Iyo wakachita kupanga, Iyomwene, kuti wajivumbure Iyomwene.

“Kulije munthu wangamanya kumuwona Chiuta pa nyengo yiriyose. Chiuta ndi mzimu.” Maso ghakuthupi ghakuviwona yayi vinthu ivyo, pekhapekha ichi chiŵe mu kawonekero ngati Laŵi la Moto, panji chirichose icho chingaŵako, panji mu kawonekero ka chamoyo chinyake icho iwo ŵakawona mwa mboniwoni. Kweni a . . . Chiuta wakwenera kuti wajivumbure Iyomwene kwizira mu nthowa yinyake. Ndipo Chiuta wakajivumbura Iyomwene kwa Abraham, mu kawonekero ka munthu. Iyo wakajivumbura Iyomwene kwa Moses, mu kawonekero ka munthu. Iyo wakajivumbura Iyomwene ku ŵana ŵa Israel, mu kawonekero ka Laŵi la Moto. Iyo wakajivumbura Iyomwene kwa Yohane Mubapatizi, mu kawonekero ka nkhunda. Imwe wonani, Iyo wakajivumbura Iyomwene mu mawonekero agho.

Para Iyo wakajivumburanga Iyomwene mu kawonekero ka Munthu, ngati Fumu ya Salemu; ya Yerusalemu; nthu ya Yerusalemu wa pacharu chapasi, kweni Yerusalemu wa Kuchanya. Iyo wakajivumbura Iyomwene mu kawonekero ako. Iyo wakalengeka “wakukozgana ngati” Mwana wa Chiuta.

⁹⁵ Sono, Mwana wa Chiuta wakizira mu mwanakazi, kuti wababike kwizira umu; kwizira mu nthumbo ya mwanakazi, chifukwa kwizira mu chinthu chenechira nyifwa yafika.

⁹⁶ Ndipo Iyo nthu wakizira mu chakulengeka yayi ngati ndiumo Chiuta wakachitira pa chiyambi. Para Chiuta wakati walenga munthu pa chiyambi, mwanakazi wakaŵavaye chakuchita na ichi. Chiuta wakati waka, “Kuŵeko,” ndipo munthu wakiza kufuma ku dongo. Iyo wakamuchema iyo, kwambura mwanakazi waliyose kuŵa na chakuchita chirichose na ichi. Kweni, mwanakazi, uyu wakaŵa mu mwanarumi.

⁹⁷ Ndipo Chiuta wakatora mwanakazi kufuma ku lwandi lwa Adam. Ndi unesko uwo? Ndipo pamanyuma mwanakazi wakaruta ndipo wakababa munthu kwizira mu kugonana. Ntheura nthowa yimoza pera iyo Chiuta wakamanya kuchita . . . Iyo nthu wakiza yayi mu thupi lira lauzimu. Iyo nthu wakiza yayi ngati Melekizedeki. Iyo wakayenera kwiza ngati Munthu,

ndipo Iyo wakayenera kwizira mu mwanakazi. “Mbewu yako yizamupweteka mutu wa serepente, ndipo mutu wake uzamupweteka chikandiro Chako.” Mukupulikiska ichi? Chiuta wakayenera kwizira mu mwanakazi; ndipo Iyo wakachita, para Iyo wakakhala mu thupi Lake la Mwana Wake, Khristu Yesu. “Chiuta wakaŵa mwa Khristu, kuphemaniskiranga charu kwa Iyomwene.” Ndipo Iyo wakapereka Ndopa Zake Yekha ngati sembe. Ndipo wakapereka Umoyo Wake, mwakuti kwizira mu nthowa ya nyifwa, Iyo wangamanya kumuponoskani imwe kufika ku Umoyo Wamuyirayira.

⁹⁸ Ntheura Chiuta wakiza pamanyuma, ndipo Iyo wakalengeka “wakukozgana ngati” Mwana wa Chiuta. Mukuwona? Iyo wakaŵa Munthu wakulengeka *ngati* Mwana wa Chiuta. Sono, Iyo nthena wakaŵa Mwana wa Chiuta yayi, chifukwa Munthu uyu Ngwamuyirayira.

⁹⁹ Mwana wa Chiuta wakaŵa na chiyambi, Iyo wakaŵa na umaliro. Iyo wakaŵa na—na nyengo ya kubabika Kwake, Iyo wakaŵa na nyengo ya kufwa Kwake. Iyo wakaŵa na vyose chiyambi na umaliro. Iyo wakaŵa na wose dada na mama.

¹⁰⁰ Munthu uyu wakaŵavye dada nesi mama, chiyambi panji umaliro wa nyengo. Kweni Iyo wakalengeka, Munthu uyu, Melekizedeki, wakalengeka *ngati* Mwana wa Chiuta.

¹⁰¹ Sono, Mwana wa Chiuta, para Iyo wakati wafika mu charu, mu kawonekero ka mwanakazi, panji, kwizira mu mwanakazi, mu kawonekero ka munthu, ndipo wakakomeka, wakawukaso pa dazi lachitatu, wakawuka kuti watirunjiske ise, sono Iyo wakukhalirira muyirayira. Ndipo malinga thupi lira likukhalirira, ise tikukhalirira naseso. Ndipo pakuti Iyo wakauka ku dongo, ise tizamuwuskika mu chilinganizgo Chake. Apo pali nkhami ya Ivangeli. Litumbikike Zina la Fumu. Ntha W̄angelo, ntha vyamoyo vyauzimu, ntha mulu wa mahungwa kuti ghawurukenge, kweni ŵanarumi na ŵanakazi, amen, kuyimirira mu chilinganizgo Chake. Enya, bwana.

¹⁰² Umo ine ndiri kuyowoyera ichi kanandi, ine nkhuoyoyaso ichi apa pa nyengo iyi. Ichi chikuwoneka makora. Ine nkhasakuranga, pafupifupi sisi linkhonde panji sikisi ilo lakhalako. Ndipo muwoli wane wakati, “Billy, iwe ukuŵa na chipala.”

¹⁰³ Ine nkhati, “Kweni ine ntha ndiri kutayapo limoza la ilo.”

¹⁰⁴ Iyo wakati, “Kasi ili lirinkhu?”

¹⁰⁵ Ine nkhati, “Ndiphalire ine uko ili likaŵa pambere ine nindaŵe nalo ili, ine ndikuphalirenge iwe uko ili likundilindirira ine.” Uwo mbunenesko.

¹⁰⁶ Ine kale nkhaŵa ngati a—wambembe, wankhonya. Ine nkhaŵa wankhongono ndipo mukuru. Ndipo ine nkhaijwona, usange imwe mungaŵika tchalitchi ili pa msana wane,

ine mbwenu ndiyendenge kukhira nalo msewu ili. Ine ndimuphalireninge imwe, para ine nkhuwuka mlenji uliwose sono, ine nkhuwona pali virimika fote chakuti viri kujumpha. Mukuwona? Ine nthā ndiri icho ine kale nkhaŵa. Ine nkhuwona, dazi lililose. Apo ine nkhuwona pa mawoko ghane na kughanaghana, “Laŵiskani kuno. Enya, ine nkhuwona.” Ine nkhuwona mapewa ghane. Ine nkhuwona kuti nasazgirako uzitu unandi chomene. Ine kale nkhuwona la twente-eyiti pa lamba. Ine nkhuwona la sate sono. Wonani, ine nkhuwona, duntu, nkhuwona.

107 Kasi ichi ntchichi? Ine nkhuwona vinthu vyenevira ine nkhuwona. Ine nkhuwona umoyo wakugeza na uwemiko kuruska umo ine nkhuwona, chinthu chenechira. Kweni Chiuta wali kundimikira nyengo ine, ndipo ine nkhuwona kuti ndiyipokerere iyi. Kweni ghanoghano lakutumbikika liriko, ndakuti, pa dazi lira, Iyo wazamkuniwuskaso ine. Ndipo chirichose icho ine nkhaŵa para ine nkhaŵa virimika twente-fayivi vyakubabika, ine ndizamkuŵaso muyirayira. Amen. Apo imwe muli. Kasi uchekuru unisuzgirengechi ine? Ine nkhuwona devulu pa icho pa virimika na virimika, kumanyanga ichi, kuti ine nkhuwona Iyo. Mtunda uchoko uwu ndi kachoko waka, kanthu kafupi, munthowa yiriyose. Usange ise tikakhalenge waka matwente ghatatu na khumi, virimika sevente vyakubabika, nyengo yithu yakulayizgika, kasi—kasi ntchichi icho kweni ukavu na chitima? Kasi ntchichi ichi? Kasi imwe mungasinthaniska nyumba ya tuvilombo na chinthu chira chauchindami kula?

108 Chifukwa, litumbikike Zina la Fumu! Chinyake mkati mwa ine icho chikakumana na Melekizedeki dazi limoza, ndipo Iyo wakayowoya mtende kwa ine ndipo Iyo wakandipa Umoyo Wamuyirayira. Ndipo umoyo uwu ukung’anamura kanthu yayi kweni kachisi kuti nipharazgiremo Ivangeli. Ine nkhuwona ichi na chisimikizgo chose, na Mabaibolo ghaŵiri agha ghakujurika panthazi pane. Usange Chiuta wane wakamarana nane kupharazganga Ivangeli, ndipo ine ningamuchitiraso chinyake yayi Iyo, ŵana ŵane ŵakaŵa ŵalara mwakukwanira kuti wangajipwererera iwoŵene, ndipo Iyo wakukhumba kuti wanditore ine sono nthana, “Amen,” mbwenu kwamara. Enya, bwana.

109 Kasi chikupanga mphambano uli usange ine ndiri eyite panji usange ine ndiri twente? Ine ndiri pano pa chinthu chimoza: kuti nditumikire Fumu. Mbwenu kwamara. Usange ine ningapharazga ndithu Ivangeli ngati ndiumo ine nkhuwona sono, para ine ndiri eyite, kasi chikupanga mphambano uli kwali ine ndiri fote panji eyite? Kuli ŵanthu ŵanandi ŵali na virimika eyite vyakubabika usiku uwu. Ndipo pali ŵana ŵanandi ŵafwenge, penepapo munthu wa virimika eyite wakhalenge umoyo kuruska ŵanandi ŵa iwo. Kasi chikupanga mphambano

uli? Ndi vyakulinga vyinu, fundo zinu, ndipo ise tiri kuno kuti titumikire Fumu Yesu. Mbweni kwamara.

¹¹⁰ Kumanyanga ichi, kuti, “Umoyo uwu ndi mvuchi uwo munthu wakuwuyowoya; uwo kale ukaŵapo, ndipo pamanyuma palije.” Kweni usange ise tiri na Umoyo Wamuyirayira, Chiuta wali kulayizga kuti Iyo wazamkutiwuska ise. Ndipo ise tizamutora monesko pamoza na Iyo para mazuŵa ghamara, ndipo para Iyo wakuti, “Njiranga mu vimwemwe vya Fumu, ivyo viri kunozgekera iwe kufumira ku mtendeko wa charu.”

¹¹¹ Ntheura kasi ichi chikupanga mphambano uli pano, kwali ise tiri na chirichose panji kwali ise tilije? Kwali ndise ŵanichi panji kwali ndise ŵalara, kasi chikupanga mphambano uli? Chinthu cheneko, kasi ndimwe ŵakunozgeka kukakumana na Iyo? Kasi imwe mukumutemwa Iyo? Kasi imwe mungamutewetera Iyo? Kasi imwe mwaguriska vinthu vya charu? Kasi imwe muli kukumana nayo Melekizedeki kufuma apo nkondo yikamalira?

¹¹² Watumbikike Chiuta! Pafupifupi virimika twente-wanu vyakubabika, ine nkhaŵa, ndipo dazi limoza ine nkhaŵa na nkondo na *ichi*, *icho*, na *chinyake*. Ine nkhamanya yayi kwali ine nkakhumbanga kuŵa wankhonya, panji kwali ine nkakhumbanga kuŵa wakuthya misampha, panji chiŵinda, icho ine nkhuhumba kuŵa. Kweni ine nkhakumana na Melekizedeki, ndipo Iyo wakandipa monesko, ndipo kufuma nyengo yira ichi chikamara muyirayira. Aleluya! Ine ndiri kuruta ku chigaŵa Chake. Ine nakhala nkhuuserera pa msewu. Ndipo para ichi chafika ku umaliro wa msewu, ndipo nyifwa yikundilaŵiska ine kumaso, umo ine nkhuapulikira sono, ine nizamkuyiwopa yayi iyi. Ine ndiyendenge, nkhuhumba kuti ndikumane na iyi pa maso, kumanyanga ichi, kuti ine nkhumumanya Iyo Uyo wali kupanga phangano, uwo mbunenesko, kuti ine nkhumumanya Iyo mu nkhangono ya chiwuka Chake. Para Iyo wakuchema kufuma pakati pa ŵakufwa, ine ndizamuwuka kufuma pakati pawo. Uwo mbunenesko, kumumanyanga Iyo mu nkhangono ya chiwuka Chake. Kasi chikupanga mphambano uli, kwali ine ndine muchekuru panji kwali ine ndine mwanichi? Kwali ine ndine muchoko panji kwali ine ndine mukuru? Kwali ine nakhuta panji kwali ine ndiri na njara? Kwali ine ndiri na malo ghakuti nigonepo panji kwali ine ndirije?

¹¹³ “Tuyuni tuli na vivwimbo, ndipo ŵakambwe ŵali na khululu, kweni Mwana wa munthu walije malo ghakuti waŵikepo mutu Wake,” kweni Iyo wakaŵa Fumu ya Uchindami.

¹¹⁴ Ise ndise mafumu na ŵasofi usiku uwu. Kasi chikupanga mphambano uli kwali ise tiri navyo panji ise tirije? Malinga ise tiri na Chiuta, ise ndise ŵachatonda ŵakuru. Ise ndise ŵachatonda ŵakuru. Ise tikuhala mu Kuŵapo kwa Chiuta, mu

wenenawene wa Mzimu Mutuŵa, kutoranga monesko Wauzimu kufuma mu mawoko gha Iyo uyo wakayowoya, “Ine nkhaŵa Iyo uyo wakafwa, ndipo ndiri wamoyo, ndipo Ine ndine wamoyo muyirayira.” Takhala pamoza mu malo gha Mchanyachanya mwa Khristu Yesu. O, litumbikike Zina Lake Lituŵa! Kasi chikupanga mphambano uli?

Hema panji kanyumba, ntchifukwa uli ine nidandaulenge?

Iwo ŵakundizengera nyumba yaufumu Kula!

Ya malibwe ghakuzirwa na madiamond, na siliva na golide,

Vyakusungiramo Vyake nvyakuzura, Iyo wali na mausambazi ghambura mayowoyeko.

115 Ine nkhakumana nayo Iyo dazi limoza para ine nk hafumanga ku nk hondo. Ine nk haŵika vikho vyane pasi. Ine ndiri kurwapo yayi nk hondo kufuma nyengo yira; Iyo wakanirwera ine. Ine nk hupumura waka pa phangano Lake, kumanyanga ichi, kuti ine nk humumanya Iyo mu nk hongono ya chiwuka Chake. Ndicho chekha ntchakuzirwa. Kasi chakuzirwa chinyake ntchivichi?

116 Kasi ise tingachita vichi? Ntchifukwa uli imwe mukughanaghana kasi mungasazgako mlingo umoza ku msinkhu winu? Kasi imwe mukupwerera vichi kwali sisi linu ndakuposekana, panji kwali imwe muli nalo panji mulije? Kasi chikupanga mphambano uli? Usange ndiwe muchekuru, usange uli na nyivwi, usange ndiwe wakubwanthuka mapewa, usange ndiwe yayi, kasi chikupanga mphambano uli? Amen. Ichi ntcha pakanyengo waka, kanyengo kachoko, kweni Ula ngwamuyirayira na muyirayira. Ndipo apo mitunda ya nyengo yikurutirira, apo miwiro yikurutirira, imwe muzamkusintha yayi, na kujumpha mu miwiro Yake Yamuyirayira yambura kumara. Kasi chikupanga mphambano uli?

117 Ine ndine wakukondwa chomene kuti nk hakumana nayo Iyo. Ine ndine wakukondwa chomene kuti Iyo wakandipa monesko, dazi limoza, Melekizedeki mweneyura uyo wakakumana na Abraham para wakizanga kufuma kukakoma mafumu. Nadi. “Chiuta wa Kuchanya,” *El Elyon*; mukuru “INE NDINE,” nthā INE nk haŵa; INE NDINE, nyengo yasono. “Ndipo Iyo wakamutumbika iyo.”

118 Tegherezgani apa mwakurutirirako pachoko waka, mwakuti ise tingamanya kuchipulikiska chose pamoza. Sono vesi 4.

Sono ghanaghanani ukuru umo munthu uyu wakaŵira, . . .

Ine nk hughanaghana waka icho, nachoso. “Ghanaghanani ukuru umo Munthu uyu wakaŵira.” Iyo wakuruska Mwana wa Chiuta. Mwana wa Chiuta wakaŵa na dada na mama; Iyo wakaŵavye. Mwana wa Chiuta wakaŵa na chiyambi cha nyengo

na umaliro wa nyengo; Iyo wakaŵavye. Kasi yura wakaŵa njani? Yura wakaŵa Wiske wa Mwana. Ndicho Iyo wakaŵa.

. . . ghanaghanani ukuru umo munthu uyu wakaŵira, kufika ku . . . nanga ndi sekuru Abraham wakapereka chakhumi cha vyakusakata vyose.

119 Sono tegherezani mwatcheru.

Ndipo inya iwo ŵeneawo ndi ŵana ŵa Levi, awo ŵakupokera udindo wa usofi, ŵali. . . languro kuti ŵatorenge vyakhumi kufuma ku ŵanthu kwakulingana na dango, ndiko kuti, kufuma ku ŵabale ŵawo, nangauli iwo ŵakiza kufuma mu chiwuno cha Abraham:

120 Sono wonani ichi usange imwe mukukhumba kuti muwonapo chinyake.

Kweni iyo mweneuyo upapi wake ntha ukurutirira . . . kufuma kwa iwo wakupokera vyakhumi kufuma kwa Abraham, ndipo wakamutumbika iyo uyo wakaŵa na phangano.

121 Abraham wakaŵa na phangano, ndipo Munthu uyu wakatumbika Abraham uyo wakaŵa na phangano. Kasi wakaŵa njani? Wana ŵa Levi ŵakapereka vyakhumi ku ŵabale ŵawo panji. . . Wabale ŵawo ŵakapereka vyakhumi kwa iwo. Iwo wakaŵa na languro la Yehova kuti watorepo chakhumi cha iyo ŵabale ŵawo ŵakasakata, kuŵa cha kukhalirapo umoyo, chifukwa iwo wakaŵa ŵa usofi. Sono, icho chikuzomerezga usofi wa Melekizedeki, umo imwe mukuyowoyera, nkhanira kula. Uwo mbunenesko. Kweni Munthu uyu. . . Nanga ndi mweneuyo wakaŵa na phangano, munthu mukuru chomene pa charu chapasi, Abraham, wakakuma na Munthu uyu ndipo wakapereka vyakhumi kwa Iyo. [Pa tepi palije kalikose—Munozgi] Iyo wakayenera kuŵa mukuru.

122 Tegherezani.

Ndipo kwambura kususka kulikose muchoko wakatumbikika na mulara.

Nadi. Wonani Icho Iyo wali.

Ndipo apa ŵanthu awo ŵakufwa ŵakupokera vyakhumi; . . .

Uwo ndi usofi wa dongosolo la ŵasofi na ŵapharazgi, na ŵanyake nthura. Wanthu awo ŵakupokera chakhumi, ŵakufwa. Mukuwona?

. . . kweni apa iyo wakupokera ivi, kufuma kwa uyo wachitirika ukaboni kuti ngwamoyo.

123 Kasi munthu watorenge vyakhumi kuti nvyachi, usange iyo ntha. . . Usange iyo wakababika yayi, ndipo wazamkufwa yayi, ndipo wakaŵako kufuma pa chiyambi kufika ku umaliro, ndipo—ndipo wakaŵavye dada panji mama panji upapi, ndipo

wakaŵa mweneko wa vyose Kuchanya na charu chapasi na vyose mu ichi, ntchifukwa uli iyo watorenge chakhumi? Ntchifukwa uli iyo wamufumbenge Abraham kuti wapereke vyakhumi? Imwe mukuwona kasi ndi chinthu chakukoserezga uli kupereka vyakhumi? Kuperekanga chakhumi nkhwakwenerera. Mukhristu waliyose ngwakukoserezgeka kupereka chakhumi. Uwo mbunenesko. Chiri kusinthapo yayi.

124 Sono:

Ndipo umo ine panyake ningayowoya kuti, Levi nayoso, uyo wakapokera chakhumi, wakapereka vyakhumi mwa Abraham.

125 Sono, o, apa pali chinyake.

Para iyo wakaŵa wachali mu chiwuno cha dada wake, para Melekizedeki wakakumana na iyo.

126 Vichi? Levi? Abraham wakaŵa sekuru mukuru-mukuru wa Levi. Ndipo Baibolo likayowoya apa, kuti, “Levi wakapereka vyakhumi para iyo wakaŵa mu chiwuno cha Abraham.” Miwiro yinayi pambere iyo wakaŵa wandafike ku charu chapasi, iyo wakapereka vyakhumi kwa Melekizedeki. Litumbikike Zina la Yehova!

127 Ntheura, imwe mwaŵeneimwe mukugomezga yayi mu kusankhikirathu, panji kukhozgekerathu; ndipo apa, miwiro yinayi pambere Levi wakaŵa wandafike mu chiwuno cha Abraham, wakaperekanga vyakhumi kwa Melekizedeki. Nakhumbanga nthena tanguŵa na nyengo kuti tiyende na ichi mu Malemba.

128 Usange imwe mungachitorera ichi ngati mu Yeremiya 1:4, Chiuta wakati, “Ine nkhakumanya iwe pambere iwe ukaŵa undapangike mu nthumbo ya mama wako. Ndipo ine nkhakutuŵiska iwe ndipo nkhakukhozga iwe kuŵa muprofeti ku mafuko.” Ntheura kasi imwe mungayowoya kuti imwe mukachita vichi? Kasi ine ningayowoya kuti nkachita vichi? Ndi Chiuta uyo wakuwoneska lusungu. Chiuta wakatimanya ise pambere charu chindaŵeko.

129 Iyo wakakhumba yayi kuti munyake watayike. Yayi nadi. Kweni usange Iyo ndi Chiuta, Iyo wakamanya uyo wazamkuponoskeka na uyo wazamkuponoskeka yayi, panji Iyo ntha wakamanya chirichose. Usange Iyo wakamanya yayi. . . Usange iyo wakamanya yayi uyo wazamkuŵa mu Mkwatulo, pambere charu chikaŵa chindapangike, ntheura Iyo ndi Chiuta yayi. Usange Iyo walije mphaka, Iyo mbwenu. . . Iyo wakayimanya mphanthi yiriyose, chibenene chirichose, nyinda yiriyose, thekenya lirilose, ilo likamanya kuŵa pa charu chapasi, pambere charu chikaŵa chindapangike. Uwo mbunenesko. Iyo wakamanya vinthu vyose. Pambere charu chindaŵeko, Iyo wakatimanya ise. Baibolo likayowoya, kuti, “Iyo wakatimanya ise ndipo wakatisankhirathu ise.”

¹³⁰ Tiyeni tirongosore ichi kamoza mbwenu. Tiyeni tiwerere ku W̄aefeso, chipatulo 1. Chipatulo 5... Chipatulo 1 cha W̄aefeso, kanyengo waka. Ine nkhukhumba kuti ndi w̄azge apa miniti pera, mwakuti imwe mungamanya kupulikiska nadi kuti ntha ndi chinyake waka icho ine nkhuyezga kumuphalirani imwe. Ndi chinyake icho Chiuta wakuyezga kumuphalirani imwe. Mukuwona? Sono tegherezgani ku ichi, mwatcheru chomene, chipatulo 1 cha W̄aefeso.

Paulos, mupostoli wa Yesu Khristu mwa khumbo la Chiuta, . . .

Munthu mweneyura uyo wakalemba kalata ya Chihebere, wakulemba kalata iyi.

. . . ku w̄atuw̄a . . .

Iyi ntha yikuruta ku w̄ambura kugomezga, kweni ku w̄atuw̄a, w̄akutuw̄i- . . . w̄atuw̄a.

. . . awo w̄ali ku Efeso, na w̄akugomezgeka mwa Khristu Yesu:

Uchizi uwe kwa imwe, na mtende, kufuma kwa Chiuta Dada withu, na kufuma kwa Fumu Yesu Khristu.

Wakutumbikika wa we Chiuta na Wiske wa Fumu yithu Yesu Khristu, uyo watitumbika ise na vitumbiko vyose vyauzimu mu malo ghamuchanyachanya . . .

“Kwakulingana naumo Iyo . . .” Sono, tegherezgani mwatcheru sono, vesi 4.

Kwakulingana naumo iyo wali kutisankhira ise mwa iyo pambere ghandaw̄eko malufura gha charu, . . .

Kasi ndinjani “ise” kula? Mpingo.

. . . iyo wakatisankha ise mwa iyo (Khristu) pambere lufura linda w̄eko, charu chapasi, kuti ise tiwe w̄atuw̄a na w̄ambura kususkika panthazi pake mu chitemwa:

Wakati watisankhirathu ise kufika ku kulereka kwa w̄ana mwa Yesu Khristu kwa iyomwene, kwakulingana na urato uweme Wake Yekha wa khumbo lake liweme,

¹³¹ Ndinjani wakachita ichi? Chiuta wakachita ichi. Chiuta wakamanya kufuma pa chiyambi uyo wazamkuponoskeka na uyo wazamkuponoskeka yayi. Nadi, Iyo wakakhumba yayi kuti munyake watayike. Kweni Iyo ntha wakatuma Yesu kuno kuti wazakawone usange imwe—imwe muchitenge ngati, “Enya, Yesu wachitima, ine nkhumulengera chitima Iyo. Panyake ntchiweme ine ndiponoskeke na kuzomerezga ichi.” Yayi, bwana.

¹³² Chiuta wakamanya ku mtendeko uyo wazamkuponoskeka na uyo wazamkuponoskeka yayi. Ntheura, ipo, Iyo wakamanya kuti w̄anyake w̄azamkuponoskeka, ntheura Iyo wakatuma Yesu kuti wazakapange chakuphepeskera kwa iwo w̄eneawo Iyo waka w̄amanyirathu. “Pakuti iwo w̄eneawo

Iyo wakaŵamanyirathu, Iyo wali kuŵachema. Ndipo iwo ŵeneawo Iyo wali kuŵachema, Iyo wali kuŵarunjiska. Ndipo iwo ŵeneawo Iyo wali kurunjiska, Iyo wali (nyengo yakale) kuchindamiska.” Apo imwe muli.

¹³³ Ntheura ndimwe yayi mukujisunga mwaŵene, ndi uchizi wa Chiuta ndiwo ukumusungani imwe. Imwe mukajiponoska mwaŵene yayi, panji palije icho imwe mukachita kuti muponoskeke. Ndi uchizi wa Chiuta uwo ukamuponoskani imwe. Uchizi wa Chiuta ukamuchemani imwe. Kumanyirathu kwa Chiuta kukamumanyani imwe. Iyo wakamanya kuti imwe muzamkuŵa mu tchalitchi ili usiku uwu, pambere lufura la charu likaŵa lindaŵeko, usange Iyo walije mphaka. Usange Iyo wali ntheura yayi, Iyo ndi Chiuta yayi. Usange Iyo wakamanya vinthu vyose, Iyo wakaŵa Chiuta. Usange Iyo nthā wakamanya vinthu vyose, Iyo wakaŵa Chiuta yayi. Usange Iyo ndi Chiuta Mwenenkhongono, Iyo wangamanya kuchita vinthu vyose. Usange Iyo wangachita yayi vinthu vyose, Iyo ndi Chiuta Mwenenkhongono yayi. Apo imwe muli.

¹³⁴ Ntheura kasi imwe mungayowoya uli kuti ndi chinyake icho imwe mukamanya kuchita? Palije icho imwe mungachita. Ndi chitemwa cha Chiuta na uchizi kwa imwe, kuti imwe muli nanga ndi muno. Palije icho imwe mukachita, Chiuta wakamuchemani imwe mwa uchizi Wake; imwe mukategherezga, mukapulika, mukazomera.

¹³⁵ “Enya,” imwe mukuti, “M’bale Branham, icho chikupangiska ichi kuŵa chakumasuka mwakofya.” Nadi chikuchita. Imwe ndimwe ŵakumasuka. “Enya, munthu yura wangamanya kuchita chirichose iyo wakukhumba kuchita.” Nadi. Ine nyengo zose nkuchita icho ine nkukhumba kuchita. Kweni usange ndiwe Mukhristu, iwe ukukhumba yayi kuchita kwananga.

¹³⁶ Kuli msungwana mulara pachoko wakhala kumanyuma uko usiku uwu, muwoli wane. Ine nkhumutemwa iyo na vyose ivyo viri mwa ine. Ndipo usange ine nkhamanya kuti ine ningamanya kwendezgana na mwanakazi munyake na kuchita ichi, na kuruta kukamuphalira iyo, na kuti, “Meda, ine nananga,” kasi imwe mukughanaghana kuti ine nichitenge vichi? Usange ine nkhumutemwa mwakwenerera iyo, ine nichitenge yayi ichi. Uwo mbunenesko.

¹³⁷ Sono, uli usange ine ningati, “O, ine ningachita yayi ichi. Chifukwa, ine ndimuphalireninge imwe chifukwa. Iyo mbwenu wanipatenge ine, ndipo ine ndine. . . O, ine ndine mupharazgi. Mukuwona icho chira chichitenge? Icho mbwenu chinifumiskengepo ine pa gome, usange iyo wanganipata ine. ‘Mwanarumi wakupatika, o!’ Ine ndiri na ŵana ŵatatu; ine ningaghanaghana yayi za icho. Kweni, mnyamata, ine. . . .”? Enya, usange umo ndimo ichi chiliri, imwe muchali

ndithu wākuzomerezgeka na dango. Ntha ndi pa fundo yakuzomerezgeka na dango kuti ine nkhamutora iyo. Ndi pa fundo ya kuzomerezgeka na dango yayi iyo yikundipangiska ine kukhala muneneska kwa iyo. Ndi chifukwa chakuti ine nkhumutemwa iyo. Ine ntha nkhuayenera kuchita chirichose. Ine nkchuchita ichi mwakukhumba chifukwa ndi nkhani ya chitemwa. Ndipo usange iwe ukumutemwa muwoli wako, iwe uchitenge chinthu chenechira.

¹³⁸ Ndipo usange iwe ukumutemwa muwoli wako ngati ntheura, na chitemwa cha *phileo*, kasi iwe uchite vichi kwa Khristu na chitemwa cha *agapao*, cheneicho ndi chankhongono kujumpha kwandaniska miliyoni, usange iwe ukumutemwa nadi Chiuta? Usange ine nkhamanyenge usiku uwu kuti ine nirutenge kuwaro na kukalowera, usange ine nkhamanyenge usiku uwu kuti ine ningamanya kuchimbirachimbira na kuwa muzaghali, usange ine nkhamanyenge, usiku uwu; usange icho chikawengemo nanga ndi mu mtima wane kuti ndichite ntheura, ndipo nkharuta ndipo nkchachita ichi, kumanyanga kuti Iyo wandigowokerenge ine, ine ningachita yayi ichi. Ine nkughanaghana chomene za Iyo. Ine nkhumutemwa Iyo. Enya. Nadi.

¹³⁹ Ndicho chifukwa ine ningaguriska yayi chakundichitikira chane ku bungwe lirilose, (yayi, bwana), ntha Assemblies of God, ntha Mpingo wa Chiuta, ntha Pilgrim Holiness, Methodist, Baptist, Prezibetere, Katolika. Ine ningatora yayi chinyake icho chikamanya kuperekeka, ku chakunichitikira ichi. Chifukwa, ichi ntha chikizira mwa munthu. Ichi chikizira mwa Chiuta. Yayi, bwana. Ine ningaguriska yayi uwere wane chifukwa cha gwenyu-na-kunkhuru wa Elvis Presley, panji chifukwa cha magalimoto ghake gha Wakatolika, panji ghake, panji, Makadilaki, panji mamiliyoni dolazi ghake, na vinyake ntheura, iyo wakupokera mwezi uliwose. Yayi, bwana. Ine nkhumutemwa Iyo. Ndipo usange ine . . . Malinga ine nkhumutemwa Iyo ngati ntheura, ine ndikhalenge muneneska kwa Iyo. Ndipo usange Chiuta wali kundichema ine na kundisankha, Iyo wali kuwika chinyake mwa ine, ndipo ine nkhumutemwa Iyo.

¹⁴⁰ Ine nkhekumbuka Mr. Isler. Imwe mose mukumumanya iyo, pafupifupi imwe mose. Iyo wafika nkhanira kuno, nduna ya boma la Indiana; wafika kuno, wakulizga gitara. Para mwana wane wakati wafwa, muwoli wane wakati wafwa, ndipo iwo wose chigonere kunena uku pa malalo. Ndipo ine nkharutanga kukweranga na msewu, na mawoko ghane kumanyuma kwane, kuliranga. Iyo wakaduka kufuma mu yake yichoko, lore yakale, ndipo wakiza wakaŵika woko lake kundikumbatira ine, wakati, “Billy, ine nkchukhumba kuti ndikufumbe fumbo iwe.” Wakati, “Ine ndiri kupulika kuti iwe ukupharazga mpaka iwe pafupifupi ukuwa pa gome. Ndiri kukupulika iwe pa magulayi gha msewu na chirichose, kuliriranga Khristu.” Wakati, “Sono Iyo wakatora dada wako. Iyo wakatora munung’una wako. Wakakupoka

iwo wose, ndipo iwo w̄akafwira mu mawoko ghako. Kula iyo wakufwa. Muwoli wako wakafwa, wakorera mawoko ghako. Ndipo bonda wako wakafwa, ndipo iwe kuchemanga pa Iyo kuti wakovwire iwe. Ndipo Iyo wakarazgako msana Wake kwa iwe. Kasi iwe ukughanaghana vichi za Iyo?"

141 Ine nkhati, "Ine nkhumutemwa Iyo na vyose ivyo viri mwa ine. Usange Iyo wanditumenge ku gehena, ine ndimutemwenge ndithu Iyo." Iyo mbwenu waka. Ine nthā nkhuoyowoya icho; virimika twente-sikisi viri kusimikizgira ichi. Uwo mbunenesko.

142 Usange imwe mukumutemwa Iyo! Nthā ntchito, kuti, "Ine ningachita yayi *ichi*, ndipo ine ningachita yayi *icho*." Imwe mukumutemwa chomene Iyo kuti mukuchita ichi, chifukwa Iyo wali kumusankhani imwe. Imwe nthā mukamusankha Iyo, Iyo wakamusankhani imwe.

143 Imwe mukati, "Ine nkhapenja Fumu, ndipo nkhapenja Fumu."

Kulije munthu wakupenja Chiuta. Ndi Chiuta, kupenjanga munthu. Imwe panyake mwakhala mukupenja kutemwerekwa kwa Iyo, kweni Chiuta wakwenera kuti wasinthe kawiro kinu pambere imwe nanga mundamupenje Iyo, chifukwa, imwe ndimwe wakwananga, imwe ndimwe nkhumba. Uwo mbunenesko.

144 Ndipo mwaŵanthu w̄anyake imwe mukuruta ku tchalitchi ndipo mukukhala waka umoyo wa umembara winu, mukuruta kuwaro uku ndipo mukuchita chirichose mu charu, ndipo pamanyuma mukuruta ndithu ndipo mukuti, "Enya, ine ndiri mu mpingo." Enya, icho ndi kutali chomene kuŵa wa Chiuta. Nadi. Ine nthā... Kweni imwe mukuwona w̄anthu w̄akuchita icho, imwe mungamanya kuphara. O, iwo ndi mamembara ghaweme gha mpingo. Uwo mbunenesko. Imwe mungaŵa ndithu membara wa mpingo na kuchita vinthu ivyo, kweni imwe mungaŵa yayi Mukhristu na kuchitanga ivyo.

145 Umo ine nayowoyera, mlenji uwu, "Chaholi mulara, usange kukaŵako mupusikizgi, ndi chaholi." Uwo mbunenesko. Iyo na nkunda w̄akadeka pa ngaraŵa yeneyira, w̄akakhala mu chivwimbo chenechira. Ndipo chaholi mulara wakakhorwa para iyo wakati wamasurika, ndipo wakaruta kuwaro kwa Mpingo ula, mwakuti iyo wangamanya kuruta kuwaro kula na kudeka pa chitanda chimoza chakale na kuti "kow, kow," na kuryako ya chimoza *ichi*, kuryako ya kavalo, kuryako ya ng'ombe, na chirichose chikaŵapo, iyo wakakhorwa. Kweni para Nowa wakati wayimasura nkunda, iyi yikatondeka kusanga pa kukhazika vikandiro vya marundi ghake. Iyi yikaŵa waka na ufulu wose wa kudeka pa chinyama chakufwa umo chaholi wakaŵira nawo, kweni agha ghakaŵa maukhaliro ghaŵiri

ghakulekana. Yimoza ya izi, iyi yikaŵa nkhunda, kwamba na kwamba. Uyu wakaŵa chaholi, kwamba na kwamba.

¹⁴⁶ Kweni, usange imwe mukuwona, chaholi mulara wangamanya kudeka uku pa nyama yakufwa na kurya, hafu dazi. Nkhunda yidekenge mu munda wa tirigu na kurya, hafu dazi. Ndipo chaholi wangamanya kuwurukira nkhanira kwenekula na kurya chakurya cha nkunda, chomene umo uyu wakukhumbira. Uyu wangamanya kurya waka tirigu munandi umo chaholi wangachitira, panji, umo nkunda yingachitira. Kweni iyo, chaholi, wangamanya kurya chakurya cha nkunda, kweni nkunda yingarya yayi chakurya cha chaholi. Uwo mbunenesko.

¹⁴⁷ Ntheura, mupusikizgi mulara wangamanya kwiza ku tchalitchi, na kusekerera na kuchemerezga na kurumba Fumu, na kurutirira ngati ntheura, na kuruta nkhanira kumanyuma na kunjoya vinthu vya charu. Kweni Mukhristu wakubabikaso wangachita yayi ichi, chifukwa chitemwa cha Chiuta chikumukanizga iyo ku malo ghantheura iyo wangachita yayi ichi.

¹⁴⁸ Ntheura usange iwe ndiwe Mukhristu pakuchita waka kujoyina mpingo, na kulekanga kuchita *ichi* na *icho*, ndipo chilakolako chenechira chiri mwa iwe, iwe ukukhumbikwa kubizgikaso kunyake. Uwo mbunenesko ndendende.

¹⁴⁹ Ndipo imwe ŵanakazi mwaŵeneimwe mukuvwara twakabunthu tuchokotuchoko twakale tula, ndipo muli nkhanira kuwaro uku pa msewu, ndipo pamanyuma kujichema mwaŵene “wakugomezga.” Iwe ndiwe wakugomezga, kweni ndiwe chiyezgerero chachitima cha yumoza, panyake. Usange imwe nadi mukaŵa na Khristu mu mtima winu, imwe mungaghanaghana yayi za vinthu vyantheura ngati ivyo. Ine nkupwerera yayi ivyo ŵanakazi ŵanyake wose ŵakuchita, na ivyo ŵasungwana ŵanyake wose ŵakuchita, imwe muŵenge ŵakulekana, chifukwa imwe mukumutemwa chomene Khristu.

¹⁵⁰ Ine nkhayowoyeskana na mwanakazi dazi linyake, mu nyumba, ndipo iyo wakakwezga mawoko ghake muchanya ngati *ntheura*, wakati, “Mliska Branham, ine pafupifupi ndiri nkhuli, muno mu nyumba yane. Ine nkhuenda uku na uko.”

¹⁵¹ Ine nkaghanaghana, “Soni kwa iwe.” Mu nyumba yako wamwene, ine nkupwerera yayi uko iwe uli. Uwo mbunenesko. Vwara ndipo chita ngati mwanakazi, umo dona wakwenera kuchitira. Soni kwa iwe. Kweni imwe mukusunga. . . Enya, Baibolo likati, “Usange imwe mukutemwa vinthu ivyo, vinthu vya charu, chitemwa cha Khristu nthā chiri nanga ndi mwa imwe.” Ndipo usange imwe mukuyitemwa Fumu, mtima waka winu wose, na uzima winu wose, na malingaliro ghinu ghose, imwe muŵikenge tunthu tuchokotuchoko twakale

twawakawaka, vinthu vyaukazuzi kutali na imwe. Uwo mbunenesko.

152 Ndipo iwe dikoni, na imwe wānji muno, imwe mukuchimbirachimbira pa msewu uku, na kwinuska singo linu na kulawiskanga pa waliyose wa wānakazi wāra. Soni kwa imwe; ndipo mukujichema mwaŵene “wāna wā Chiuta.” Ine nkhumanya icho chikuwāula, kweni mphanyiko imwe muwaulike kuruska kukaphya muyirayira kula. Ntheura usange imwe mukuchita vinthu ivyo. . . Sono, imwe mukukhumba yayi kuwona ichi usange mwanakazi wakwenda pa msewu, wawwara mwahafu. Imwe, usange imwe mukulaŵiska, imwe mpaka mumulaŵiskenge iyo, kweni imwe mungamanya kung’anamura mutu winu. Baibolo likati, “Uyo yose walaŵiska mwanakazi na kumukhumbira iyo, wachita kale chigololo na iyo mu mtima wako.”

153 Reka ine ndikuphalire chinyake iwe, mlongosi wakutemweka, iwe wamuzgora. Ine nkhpwerera yayi, iwe panyake ungaŵa mutuŵa ngati luwazoto. Iwe panyake ukachitapo yayi kwananga kwa mtundu ula, kwananga kwauzaghali, mu umoyo wako. Kweni usange iwe ukuvwara ngati ntheura, iwe uzamuzgora pa Cheruzgo chifukwa cha kuchita chigololo na mwanarumi waliyose uyo wakulaŵiska iwe. Baibolo likayowoya. Ndipo ukwenda pa msewu, wakwananga ndinjani, mwanarumi? Yayi, bwana. Ndiwe. Iwe ukajiwoneska wamwene mwantheura umo.

154 Mwanakazi wali na malo ghakuru. Agha ngakupatulika, ghaweme, malo ghaweme. Kweni iyo wakwenera kuti wajisunguse iyomwene mwantheura, kuti wasunge udindo wake umo iyo wakwenera kuchitira, ngati mama, ngati mwanakazi ndipo wa umama. Para umama wasweka, chiwangwa cha pa msana cha fuko lirilose chasweka. Ndipo ndicho chifukwa, muhanyauno, charu chithu chanangika, ndi chifukwa cha mauzaghali gha wānakazi wīthu. Uwo mbunenesko ndendende. Nadi. Ndi uchivundi pakati pithu, ndiwo ukuphwasura ichi.

155 Icho imwe mukukhumbika ndi kukumana na Melekizedeki uyu nyengo yimoza. Amen. Zomerezgani Iyo—zomerezgani Iyo wamutumbikeni imwe ndipo wamupaseni vinyo, chakurya, Umoyo Wamuyirayira. Ntheura imwe muwonenge vinthu mwakulekana. Ntheura imwe. . . Ichi chiwenge chakulekana. Imwe ntha mukhumbenge wānyamata kuti wālizgenge. . . likhweru la twanamphumphi kwa imwe, likhweru la mphumphi, panji chirichose imwe mukukhumba kuchema ichi. Yayi nadi. Imwe muwenge wakulekana.

156 Ndipo iwe ukung’anamura kundiphalira ine kuti iwe ukuvwara ngati ntheura, na kuruta kuwaro kula, pa chakulinga chinyake chirichose? Iwe ukuti, “Chifukwa, kwazizima.” Iwe ukuyowoya nkhani. Kwazizima yayi. Sayansi yikusimikizgira

kuti kwazizima yayi. Ndi a . . . Ndi chilakolako icho chafika pa iwe, mlongosi. Iwe ukumanya yayi ichi. Ine nthā nkhuvezga kumupwetekani imwe, kweni ine nkhuvezga kumuchenjezani imwe. Kanandi mwanakazi wankharo, wakuphotoka waka umo iyo wangamanya kuwira, dona muchoko muweme, wakwenda kuwaro na vinthu ivyo, pa msewu, kwambura kumanya icho iyo wakuchita, chifukwa mupharazgi munyake wakuwereranyuma wali na mantha kuti mfumu wako warekenge kupereka vyakhumi vyake mu mpingo. Usange iyo wakakumanenge na Melekizedeki, iyo wangaghanaghana yayi vinthu ivyo. Iyo mbwenu wapharazgenge Ivangeli. Usange ichi chikaŵawura chikumba pa msana wawo, iyo wapharazgenge Ichi, munthowa yiriyose. Uwo mbunenesko ndendende.

157 Imwe mukuchita ichi, ndipo imwe mukuchita ichi chifukwa chakuti mzimu wa chilakolako uli muchanya. Ndipo imwe mwaŵanarumi imwe muzomerezgenge ŵawoli ŵinu kuchita mitundu ya vinthu ivyo, ine ndiri na vigomezgo vichoko vya imwe kuŵa mwanarumi. Uwo mbunenesko. Uwo mbunenesko. Sono, palije marumbo pa icho, chifukwa, panji, palije kuphepeska, chifukwa, uwo mbunenesko. Mwanarumi waliyose uyo wazomerezgenge muwoli wake kuti warute pa msewu na kuchita ngati nthaura, m'bale, iwe ukwenera kuti uvwarenge malaya *ghake*. Uwo mbunenesko. Iwe, chifukwa, mwe!

158 Ine nthā nkhuwoyoya kuti muwoli wane wangachita yayi ichi. Kweni ine nkhuwenera kuti ndisinthike na kutimbanizgika, ku icho ine ndiri sono, usange ine ndikhalenge na iyo apo iyo wakuchita ichi. Ndipo uwo mbunenesko nadi.

Ŵasungwana ŵane, iwo panyake ŵangachita ichi para iwo ŵafika pa msinkhu wa umama. Ine nthā nkhuwoyoya kuti iwo ŵangachita yayi. Ine nkhumanya yayi. Icho chiri kwa lusungu lwa Chiuta. Ine nkhuomezga iwo ŵachitenge yayi. Usange iwo ŵachita, iwo ŵayendenge kujumpha pa malurombo gha dada murunji. Iwo ŵayendenge kujumpha umoyo wa munyake uyo wakavezga kukhala umoyo uweme, usange iwo ŵangachita ichi. Uwo mbunenesko. Kweni ine nkhuumba kuti ndikhale umoyo wakwenerera, kuŵasambizga mwakwenerera, kuŵa wakwenerera, ndipo ningamanya kuŵanjirikizga mwakwenerera. Usange iwo ŵachita nthaura, iwo ŵakurwira ulendo wawo wa ku gehena, kujumpha pachanya pa upharazgi wane, na kujumpha pachanya pa Khristu wane, na kujumpha pachanya pa kuchenjezga kwane, uwo mbunenesko, usange iwo ŵangachita ichi. Nadi. Uwo mbunenesko.

159 Soni kwa imwe. Usange imwe mukukumana na Khristu, maso na maso, ndipo Iyo wamutumbikani imwe, ndipo waŵika mufyofyontho uwo wa chisimikizgo pa mtima winu, viŵanda vyose mu gehena nthā vimupangiskeninge imwe kuti muvwareso ivi. Uwo mbunenesko. Imwe mwasintha kufuma ku nyifwa kufika ku Umoyo, ndipo chitemwa chinu chakhazikika pa vinthu

vyakuchanya ndipo ntha pa vinthu vya charu chapasi. Amen. Ine ntchiweme ndichileke chisambizgo icho. Ichi chikuchuruska. Viri makora. Kweni ndi Unenesko.

¹⁶⁰ Viri makora, apo ise tikurutirira sono mwakurutirizga waka pachoko, pamanyuma ise tijarengē.

...inya iwo ūbeneawo ndi ūwana ūa Levi,... ūakupokera chakhumi cha udindo wa usofi, ndipo ūali na languro lakuti ūatore chakhumi kufuma ku ūanthu kwakulingana na dango, ndiko kuti, kufuma ku ūabale ūawo, nangauli iwo ūakafuma mu chiwuno cha Abraham:

Kweni iyo mweneuyo upapi ntha ukuūerengekera kufuma kwa iwo awo ūakapokera vyakhumi vya Abraham, ndipo wakatumbikika na iyo uyo wakaūa na phangano.

Ndipo na kususka kose muchoko wakatumbikika na mulara.

Ndipo apa ūanthu awo ūakufwa ūakupokera vyakhumi; kweni apa iyo wakupokera ivi, kufuma kwa mweneuyo wachitirika ukaboni kuti ngwamoyo. Ndipo ine...

Ndipo umo ine panyake...ningayowoya, Levi nayoso,...wakapokera chakhumi, wakapokera chakhumi, wakapereka vyakhumi mwa Abraham.

Pakuti para iyo wakaūa wachali mu chiwuno cha dada wake, para Melekizedeki wakati wakumana na iyo.

¹⁶¹ Kinu—kachitiro kinu kwa Khristu kapangenge chithuzithuzi chikuru pa icho ūana ūinu ūazamkuūa. Umoyo winu uwo imwe mukukhala panthazi pa banja linu upangenge chithuzithuzi pa icho ūana ūinu ūazamkuūa. Chifukwa, Baibolo likayowoya, kuti, “Iyo wazamuūika uchikana marango wa ūapapi pa ūana ūawo kufika ku wachitatu na muwiro wachinayi.”

¹⁶² Sono, nyengo zichoko waka, pambere tindajare.

Ndipo ipo usange kufikapo (apo pali kufikapo kwinu kamozaso) kukizira mwa usofi wa Ulevi, (pakuti pasi pa uwu ūanthu ūakapokera dango,) ntchifukwa uli pakukhumbikwa kuti kwize...msofi munyake wakwenera kuti wauke kwakuyana na dongosolo la Melekizedeki, ndipo ntha wakuchemeka kwakuyana na dongosolo la Aaron?

¹⁶³ Dango, ūadango, wonani, “O, imwe mukwenera kuti muchite *ichi*. Usange imwe ntha mukuchita *ichi*, imwe ndimwe Mukhristu yayi. Usange imwe ntha mukusunga chipumulo! Usange imwe ntha...Usange imwe mukurya nyama! Usange imwe mukuchita vinthu *ivi!*” Fundo zose izi za marango. “Ndipo

imwe mukwenera kuti murutenge ku tchalitchi. Usange imwe mukuchita yayi, imwe mupokerenge chilango pa ichi. Imwe mukwenera kuti muchitenge malurombo gha novena.” Vinthu ivyo ndi kupusa. Imwe mukuponoskeka mwa uchizi wa Chiuta, mwa kumanyirathu kwa Chiuta, mwa kusankhirathu Kwake. Chiuta wakamuchema Abraham mwa kusankhirathu, mwa kumanyirathu. Iyo wakamuchema. Iyo wakatinkha Esau, ndipo wakatemwa Jacob, pambere yumoza wa iwo wandababike. Uwo mbunenesko. Ndi—ndi kumanyirathu kwa Chiuta uko kukumanya vinthu ivi.

¹⁶⁴ Imwe pamanyuma mukuti, “Kasi phindu la kupharazganga Ivangeli ndi vichi?”

¹⁶⁵ Sono ine ndiyowoye kwa imwe, ichi. Paulos wakazgora icho, panji Yesu wakachita, mphanyiko. Apa pali Yesu. Iyo wakati, “Ufumu wa Kuchanya uli ngati munthu uyo wakaruta ku ichi, a—chiziŵa panji nyanja, ndipo wakaponya mkwawo. Iyo wakaguza. Kufuma mu ula, iyo wakaŵa na ŵafulu. Iyo wakaŵa na tuŵe. Iyo wakaŵa na njoka. Iyo wakaŵa na mitondoli. Iyo wakaŵa na ŵachule. Iyo wakaŵa na ŵaduŵeruŵe. Iyo wakaŵa na virwani. Iyo wakaŵa—iyo wakaŵa na somba.” Sono, munthu wakaŵejanga waka.

¹⁶⁶ Ichu chiri ngati Ivangeli. Ichi chiri apa sono, ine nkhu pharazga Ivangeli. Ine nkhu ponya waka mkwawo. Ine nkhu guza uwu, ine nkhu ti, “Wose awo ŵakukhumba, uyo yose, rekani iyo wize.” Apa ŵakwiza ŵanji, ku guwa. Iwo wose ŵazingilira pa guwa. Iwo ŵakuromba. Iwo ŵakulira. Ine nkhumumanya yayi yumoza kufuma ku munyake. Ndi ntchito yane yayi. Ine ntha nkhatumika kuzakayeruzga.

¹⁶⁷ Kweni, muli ŵanji mkati mula awo ndi ŵachule. Muli ŵanji awo ndi mitondoli. Muli ŵanji awo ndi njoka. Ichi ndi, ŵanji, ndi ŵafulu. Ndipo muli ŵanji awo ndi somba. Ndi ntchito yane yayi kuyeruzga. Ine nkhu ti, “Ŵadada, apa pali ivyo ine nakora.”

¹⁶⁸ Kweni, chule wakaŵa chule, kwamba na kwamba.

¹⁶⁹ Duŵeruŵe, duŵeruŵe mulara wakhalenge apo na kulaŵiska zingirizge, kanyengo pachoko, wagadaburenge maso ghakuru ghara, walaŵiskenge zingirizge, nakuti, “Iwe ukumanya kasi? Ine pafupifupi navuka nacho Ichi umo ine ningazizipizgira.” Plop, plop, plop, plop, ulendo iwo ŵaruta.

¹⁷⁰ Dona mulara serepente wanyamuskenge mutu wake, na kuti, “Enya, imwe mukumanya kasi? Usange iwo ŵapharazgenge ngati ntheura, kususka kuvwaranga ŵakabunthu na vinthu, icho chikunitopora ine. Ntheura ine nifumengepo pa gulu lira la ŵatuŵa ŵakukunkhuruka. Ndicho chekha chikaŵako.” Imwe mukaŵa njoka kwamba na kwamba. Uwo mbunenesko ndendende. Enya.

¹⁷¹ Ndipo apa pakhala chule mulara mwanarumi, wali na ndudu yikuru yira mu mlomo wake, ngati ng’ombe ya

ku Texas yakudumurika masengwe, wayimilirenge apo na kulaŵiska zingirizge, nakuti, “Enya, ichi chikandisuska yayi ine kukhweŵa. Ine ndifumengepo waka pa chinthu ichi, sono nthena.” Enya, iwe chule mulara, iwe ukaŵa icho, kwamba na kwamba. Uwo mbunenesko ndendende. Uwo mbunenesko ndendende.

172 kaŵiro kako kakusimikizgira icho iwe uli. Umoyo wako ukuwoneska, ukuwoneskera icho iwe uli, ndipo mu mtendeko. Ntchinonono yayi kwa ine kuti nichiwone icho. Ntchinonono yayi kwa imwe kuti muchiwone ichi.

173 Usange ine nkharuta kwa Roy Slaughter mlimi wakhala uku, ndipo ine nkawona nkhumba kuwaro pa mulu wa manyowa, zikurya manyowa, ine ningaghanaghana chiheni yayi za icho. Iyo ndi nkhumba. Kweni usange ine nkawona mwanamberere pachanya pa mulu ula wa manyowa, ine mbwenu nizizwenge. Uh-huh. Mukuwona? Kwenjerwa yayi, imwe mwamkumuwonako yayi iyo kula. Iyo wangazizipizga yayi ichi. Uwo mbunenesko.

174 Ndipo munthu uyo ngwakubabika na Mzimu wa Chiuta wakutinkha vinthu vya charu. Uwo mbunenesko, “Pakuti usange imwe mukutemwa charu panji vinthu vya charu, chitemwa cha Chiuta nthā chiri nanga ndi mwa imwe.”

175 Usange ine nkhuenda na ŵanakazi dazi lirilose, ndipo nkhwiza, nkhumuphalira muwoli wane kuti ine nkhamutemwa iyo, iyo mbwenu wamanyenge kuti ine ndine mutesi. Vyakuchitika vyane viyowoyenge mwakukwezga kuruska mazgu ghane. Nadi. Ine nkhusimikizgira kwa iyo kuti ine nkhamutemwa yayi iyo, chifukwa ine nkhaŵa muneneska yayi kwa iyo.

176 Iyo wakandiphalira ine kuti wakanditemwa ine, ndipo nyengo yiriyose para ine nafumapo, iyo mbwenu wakufumapo na mwanarumi munyake, ichi mbwenu chisimikizgirenge kuti iyo wakanditemwa yayi ine. Mbunenesko. Vyakuchitika vyake vikusimikizgira ichi. Ine nkhpwerera yayi kwali iyo wangayezga kundiphalira chomene uli ine, “Bill, ine nkhuutemwa iwe, ndipo kulije munyakeso mu charu kweni iwe,” ine nkhamanya iyo wakaŵa mutesi.

177 Ndipo para iwe ukuyezga kuyowoya kuti, “Fumu, ine nkhumutemwani Imwe,” ndipo ukuchita vinthu vya charu, Chiuta wakumanya kuti iwe ndiwe mutesi, kwamba na kwamba. Ntheura chifukwa? Kasi phindu ndi vichi kuzomera chakukuchitikira chakale cha hafu, na chinyake ngati icho, penepapo mitambo yikuru ya Kuchanya njakuzura na chinthu cheneko? Ntchifukwa uli iwe ukukhumba kuŵa wachitima, wakuyowoyeka ntheura, wa hafu, wakuphya-mwahafu, Mukhristu wakuchemeka ntheura? Penepapo, iwe ungamanya kuŵa mwana mweneke wakubabikaso wa Chiuta, na mabelu

gha chimwemwe gha Kuchanya kuliranga mu mtima wako, kusekereranga, na kumurumbanga Chiuta, na kukhalanga umoyo wa kutonda mwa Yesu Khristu.

¹⁷⁸ Ntha kuyezganga kuchita ichi wamwene, chifukwa iwe utondekenge, kwamba na kwamba. Kweni mutore Iyo, Ichi ndi Mazgu Ghake, ndipo yegamira pa icho Iyo wakayowoya kuti ukaŵa Unenesko. Ndipo mugomezge Iyo, ndipo mutemwe Iyo, ndipo Iyo wapangenge chirichose kwendanga makora kwa iwe. Ndicho ichi. Ndiyo fundo iyo.

¹⁷⁹ Fumu yimutumbikeni imwe. Nkhukhumba yayi kumuchenyani imwe, kweni, m'bale, ntchiweme chomene kuchenyeka pachoko. Imwe ndimwe ŵana ŵane. Mukuwona? Ndipo dada waliyose uyo wakutemwa ŵana ŵake waŵasuskenge iwo, panji iyo ndi dada wakwenerera yayi. Ndi unenesko uwo? Uwo mbunenesko. Ndipo dada uyu wali na dango limoza pera, ndipo ilo ndi dango la panyumba. Ndipo Chiuta wali na dango limoza pera, ndipo agho ndi Mazgu Ghake.

¹⁸⁰ Usange ise tikugomezga Mazgu Ghake, nthaura ise tikhalirenge umoyo Mazgu Ghake. Ndi ntchito yithu, usange ise tiri kukumanapo na Chiuta. Ntha chifukwa chakuti imwe mukuti, “Enya, ine ndirutenge ku tchalitchi, ndipo ine nkhuyleneza kuti ndichite *ichi*.” Iwe ndiwe wachitima. Kuchita yayi icho. Ntchifukwa uli ukukhumba kuŵa wachitima, wakufoka, uŵirengechi chaholi wambura uchiuta, penepapo iwe ungamanya kuŵa nkunda? Nadi. Iwe ukwenera kuti kaŵiro kako kasinthe. Ndipo iwe usinthe kaŵiro kako, uzgoke mwana mwanarumi na mwana mwanakazi wa Chiuta, uŵe pa mtende na Chiuta.

¹⁸¹ Yesu! “Nthaura Yesu nayo, mwakuti Iyo wangamanya kuŵatuŵiska ŵanthu na Ndopa Zake Yekha, wakasuzgika kuwaro kwa vipata,” W̄ahebere 13:12 na 13. W̄aroma 5:1, “Nthaura pakuŵa ŵakurunjiskika mwa chipulikano,” ntha mwakuchita kukorana chasa, ntha mwa ubapatizo wa maji, ntha mwakuchita kuŵikana mawoko, ntha na kuchemerezga, ntha na kuyowoyanga malilime, ntha na kunyerenyeka kulikose. “Kweni pakuŵa ŵakurunjiskika mwa chipulikano, ise tiri na mtende na Chiuta kwizira mwa Fumu yithu Yesu Khristu.” Ise tajumpha kufuma ku nyifwa tafika ku Umoyo, ndipo tazgoka vilengiwa viphya, chifukwa ise tagomezga pa Mwana yekha pera wakubabika wa Chiuta, ndipo tamuzomera Iyo ngati Muponoski withu taŵene. Ndipo Ndopa Zake zikuteweta, usiku uwu, ngati chakuphepeskera kwananga kwithu, kuti ziyimirire mu malo githu.

¹⁸² Mu Chipangano Chakale, muli malo ghamoza pera ghakuti mungaŵirapo na wenenawene, agho ndi pasi pa ndopa. Wakugomezga waliyose wakayenera kuti wafike pasi pa ndopa. Para thole liswesi likati lakomeka, ili likapangika

kuwa sembe-yakuperekekerera kwananga. Ili likwenera kuwa liswesi. Ndipo chipatulo 19 cha Exodus, usange munyake wa imwe wakukhumba kuti waŵazge ichi. Ndipo ili likwenera kuti litoreke, vikandiro, vyose, viwotcheke pamoza. Ndipo ntheura icho chikazgoka kuwa maji ghakupatulanya. Ili likaŵikika kuwaro kwa vipata. Ili likayenera kukoreka na woko lakuphotoka. Ndopa za thole ili zikaruta panthazi. . . ku gulu, na kuwazgika kankhonde na kaŵiri pachanya pa chijaro. Ndipo sono, munthu waliyose wakukazuzgika pakwiza, chakudankha wakwenera kumanya na kulaŵiska ndopa zira, na kupanikizga kuti wenenawene uli pasi pa ndopa zira. Ghara ndi malo ghekha pera uko wakusopa wangamanya kusopa mwakuzomerezgeka, pakaŵa pasi pa ndopa.

¹⁸³ Ntheura, chinthu chakudankha iyo wakayenera kuchita, pambere iyo wandafike pasi pa ndopa, pakenera kuwa maji agha ghakupatulanya ghawazgike pa iyo, ndipo wakukazuzgika wakatozgeka.

¹⁸⁴ Ndipo iwo ŵakatora maji ghakupatulanya ndipo ŵakawaga agha pa munthu wakuyingayinga, ndipo ghakamupatula iyo ku zakwananga zake. Ndipo pamanyuma iyo wakayenda pasi pa mizere seveni iyi ya ndopa, ndipo wakaŵa na wenenawene na ŵakugomezga wose mu Kuŵapo kwa Chiuta.

¹⁸⁵ Pali nthowa yimoza pera yakuchitira ichi. Ntha kukorananga chasa, ntha kujoyinanga mpingo, ntha mwa maubapatizo, ntha mwa kujijirika; kweni kuruta ku maji ghakupatulanya, kuŵikapo mawoko ghinu, mwa chipulikano, pa mutu wa Yesu, na kuti, “Ine ndine wakwananga, ndipo Imwe mukafwa mu malo mwa ine. Ndipo Chinyake mwa ine chikundiphalira ine kuti Imwe mundigowokerenge zakwananga zane, ndipo ine nkhumuzomerani Imwe ngati Muponoski wane sono.” Mukwenda kusi kwa Ndopa, uko, muli na wenenawene na ŵana ŵa Chiuta. Ndicho ichi. Mukurya chingwa, mukumwa vinyo, ndipo muli na wenenawene na mpingo.

¹⁸⁶ O, kasi Iyo ngwakuziziswa yayi? Kasi Iyo ndi muweme yayi? Sono, ichi panji chingawoneka chachilendo kwa iwe, mubwezi. Kweni kasi—ntchifukwa uli ine nayimirira pano ndipo nkhuwoyoya vinthu ivi? Kasi ine nkhuwoyoya ivi kuyezga kujipanga ndamwene wapadera kufuma kwa munyake? Usange ine nkhuwoyoya, ntheura ine nkhuwoyoya kuti ndirape. Ine nkhuwoyoya Ichi chifukwa Chiuta wakayowoya Ichi, chifukwa Agha ndi Mazgu gha Chiuta. Ndipo tegherezngani. Yitizenge nyengo, ndipo sono yafika, kuti para ŵanthu ŵakuruta kufuma kuvuma kuruta kuzambwe, kuyezganga kuti wasange Mazgu gha Chiuta, ndipo wangaghasanga yayi Ighe.

¹⁸⁷ Para imwe mukuruta mu ungoro, chinthu chakudankha imwe mukuchita, imwe mukunjira mkati mula ndipo iwo ŵali na gulu la malilime na kutanthauzira, ndipo munyake

wakunyamuka ndipo wakuwerezga waka Lemba; ndipo icho ntcha kuthupi. Mwakufikapo. Chiuta wakatiphalira ise “ntha tingawiriskanga ntchito mazgu ghakuwerezgawerezga,” kuli uli na Iyo? Usange Iyo wakalemba Ichi kamoza, imwe gomezgani Ichi. Iyo ntha wakwenera kuti wayowoyeso Ichi. Malilime na kutanthauzira ndi viweme, kweni uwu ukwenera kuŵa uthenga wakurunjika ku mpingo na kwa munyake, ntha vyakuthupi waka na vinthu ngati ivyo. Ndipo pamanyuma imwe murutirire mu vinthu vinyake vyose ivi.

188 Kuno dazi linyake, ŵanarumi ŵawiri ŵakafika...ndipo mwanarumi na muwoli, ndipo mwanarumi munyake na muwoli, ŵanichi waka ŵakutorana, ŵakafika ku malo, kuti ŵarute ku Africa ngati ŵamishonare. Munyake wakayimirira ndipo wakapereka uchimi, ndipo wakapereka malilime na kutanthauzira, kuti, “Iwo ŵakaŵa na muwoli wa yumoza na munyake.” Kuti, “Ichi chikayenera kuŵa nthaura yayi. Iwo ŵakakwatiska munthu wambura kwenerera.” Ndipo ŵanthu ŵawiri ŵara ŵakalekana ndipo ŵakatoraso, kachiwiri. Mwanarumi yumoza wakatora muwoli wa yumoza munyake, yumoza munyake, mu bungwe likuru la Pentekosite, ndipo ŵakaruta ku Africa ngati ŵamishonare.

189 M’bale, para iwe watora chirapo chako, iwe ndiwe wakukakamizgika ku chirapo chira mpaka nyifwa yikumasure iwe. Unenesko ndendende. Nadi. Para iwe watora chirapo chako, ichi chikukumangilira.

190 Vyose ivyo, kupusa! Ndipo ichi chikafika ku malo mpaka kuti para imwe mukuruta ku matchalitchi, ili panyake ndakuzizima chomene na lakujiŵikamo na lakomira, mpaka kakuyezgera kuthukira kwauzimu karutenge fifite kujumpha zero. ŵanthu ŵakukhala ngati waka chibenene pa msuzi, ŵakutchantchama waka na ŵambura kupwerera na ŵakukwinyimbuka. Ndipo usange imwe mukupulika munyake, kumanyuma kula pa kona, panyake wangayowoya pachoko “amen,” kamoza mu kanyengo, chikuŵa ngati chikuŵapweteka iwo, iwo wose ŵayinuskenge singo zawo ngati mabaka, kuti ŵalaŵiske, ŵawone icho chikachitika. Imwe mukumanya uwo ndi unenesko. Ine ntha nkhuwowoya icho kuŵa nthabwara. Agha ndi malo gha nthabwara yayi. Uwo ndi Unenesko. Enya. Ine nkhuwowoya ichi chifukwa uwu ndi Unenesko wa Ivangeli.

191 Ndipo chigaŵa chinyake, imwe mukusanga gulu la kupusa la gulu la ŵakujijirika ŵakuthupi likuchita vyawakawaka, ndipo Mazgu ghaneneska gha Chiuta paumaliro ghafika ku malo uko imwe mwapatalipatali mukughapulika Igho: lachikale la pakatikati pa msewu, Ivangeli, Kuŵara ku nthowa yane, aleluya, Ndopa za Mwanamberere, chitemwa cha Chiuta icho chikutipatula ise ku vinthu vya charu.

192 “Kasi iwe uli kuyowoyapo malilime, m’bale? Iwe ulije Uwu. Kasi iwe ukachemerezga mpaka kapulikiro kakuzizima kakakwera muchanya pa msana wako? Kasi iwe ukawona mabulunga gha moto?” O, kupusa! Kulije chinthu chantheura.

193 Kasi imwe mwagomezga pa Fumu Yesu Khristu ndipo mwamuzomera Iyo ngati Muponoski winu mwaŵene? Ndipo Mzimu wa Chiuta ukuchitira ukaboni na mzimu winu, kuti ndimwe ŵana ŵanarumi na ŵana ŵanakazi ŵa Chiuta. Ndipo umoyo winu ukupambika chipaso cha chitemwa, chimwemwe, mtende, kuzizipizga kukuru, uweme, kuzika, kujikora. Ntheura iwe ndiwe Mukhristu. Usange uwu ukuchita yayi, ine nkhpwerera yayi icho iwe ukuchita.

Paulos wakati, “Ine ningamanya kupereka thupi lane kuti liwotcheke ngati sembe. Ine nkhamanya vyamchindindi vyose vya Chiuta. Ine ningamanya kusuntha mapiri na chipulikano chane. Ine ningamanya kuyowoya malilime ngati ŵanthu na Ŵangelo. Ine ndine kanthu yayi.” Mukuti uli na icho? 1 Ŵakorinte 13; fufuzani usange Uwo mbunenesko panji yayi.

194 Sono fufuzani usange—usange Ŵakorinte, 2 Ŵakorinte 13, ine nkhuomezga ndilo ili. Panji, enya, panyake ndi 1 Ŵakorinte panji 2 Ŵakorinte. 1 Ŵakorinte 13, ndi unenesko. “Nangauli nkhuwoyoya malilime gha ŵanthu na Ŵangelo,” ghose ghaŵiri agho ghangamanya kutanthauzika na agho, ghangatanthauzika yayi, “Ine ndine kanthu yayi.” Ntheura kasi phindu ndivichi la kuchitanga kupusa na ichi?

195 “Nangauli ine nkhpulikiska vyamchindindi vyose vya Chiuta.” Ntchifukwa uli imwe mukuruta ku maseminare na kuyezga kusambira vinandi chomene vya ichi? Ntchiweme imwe munozge ichi na Chiuta, chakudankha. Nadi. “Nangauli ine, ‘O, watumbikike aleluya!’”

196 Imwe mwafika pakuti imwe mungaŵa na gulu yayi pekhapekha imwe muŵe na ungoro wa machirisko panji mtundu unyake wa minthondwe kuchitikanga. “Muwiro wakufoka na uzaghali ukupenja chantheura.” Kasi imwe mukukhumba vichi na icho?

197 Paulos wakati iyo wangamanya kuchita mitundu yose ya vinthu, nanga nkhusuntha mapiri, ndipo kweni iyo ndi kanthu yayi. “Uko kuli malilime, agha ghazamkumara. Uko kuli kumanya, uku kuzamkumara. Uko kuli mauchimi, agha ghazamkutondeka. Kweni para chira cheneicho ndi chakufikapo chafika, ichi chizamkukhalirira muyirayira,” ndipo chitemwa ndi kufikapo. “Chiuta wakatemwa chomene charu, kuti Iyo wakapereka Mwana Wake yekha pera wakubabika, kuti,” uyo yose wakumbwambwantha, uyo yose wakusunkhunyika, uyo yo...? “uyo yose wakugomezga mwa Iyo wareke kutayika, kweni waŵe na Umoyo Wamuyirayira.” Gomezgani icho, mwaŵana.

198 Iwo w̄akuyezga kupanga ichi kuw̄a chakusuzga chomene, vintu *ivi* na vintu *ivyo*. Penepapo, ichi chikupangiska kuruta nkhanira ku chinthu chimoza: chipulikano chako wamwene mwa Chiuta. Ndicho ichi. Mbweni kwamara. “Pakuti mwa chipulikano,” ntha mwakuchita kunyerenyeska. “Mwa chipulikano,” ntha mwa kujjirika. “Mwa chipulikano,” ntha mwa kunyerenyeska. “Kweni mwa chipulikano imwe mukuponoskeka; ndipo icho mwa . . .” Chifukwa chakuti imwe mukayipenja Fumu? Chifukwa chakuti imwe mukaw̄a munthu muweme? Chifukwa, “Chiuta, mwa uchizi, wakamumanyiranithu ndipo wakamukhozgani imwe ku Umoyo Wamuyirayira.”

199 Yesu wakati, “Kulije munthu wangiza kwa Ine pekhapekha W̄adada W̄ane w̄amucheme iyo. Ndipo wose awo w̄akwiza kwa ine, Ine ndimupenge iyo Umoyo Wamuyirayira. Kulije munthu wangaŵapoka iwo ku woko Lane. Iwo Mbane. Iwo mbakuponoskeka muyirayira. Ine ndiri nawo. Kulije munthu wangaŵapoka iwo kufuma ku woko la Adada W̄ane, ndipo ndi Iyo Mweneuyo wakuŵapereka iwo kwa Ine. Iwo ndi vyawanangwa Vyane vya chitemwa.”

200 “Ndipo wose awo Iyo wakaŵamanyirathu, Iyo wakaŵachema.” Iyo ntha wakuchema munyake pekhapekha Iyo wakamumanyirathu iyo. “Wose awo Iyo wakachema, Iyo wakaŵarunjiska; wose awo Iyo wakaŵarunjiska, Iyo wakaŵachindamika.” Ntheura, imwe wonani, ise tiri waka pa kupumula kweneko.

201 Sono, ine nkhumanya kuti muli w̄amarango w̄anandi muno, nayinte-nayini pa handiredi w̄a imwe. Kweni, wonani, usange imwe mutorengi waka Ichi na kumanya kuti ine nkhuyezga kumuphalirani chinnyake imwe.

202 Pamanyuma imwe mukuti, “Enya, M’bale Branham, ine nyengo zose ndiri kughanaghana kuti ine nkhuyonera kuchita *ichi* ndipo ine nkhuyonera kuchita *icho*.” Pali yantheura a—mphambano yantheura mu ichi, m’bale, icho iwe ukwenera kuchita na icho iwe ukukhumba kuchita. Iwe ndiwe wakuponoskeka, ntha chifukwa chakuti iwe ukaŵa na chinthu chimoza chakuchita na ichi. Iwe ndiwe wakuponoskeka chifukwa chakuti Chiuta wakakuponoska iwe pambere charu chindaŵeko.

203 Tegherezgani, tegherezgani apa, Baibolo likayowoya, mu Chivumbuzi, ine ndimutoreninge imwe kufuma ku lakudankha kufika ku laumaliro sono, Baibolo likayowoya, mu Chivumbuzi, kuti, para chikoko chikati chafika, “ichi chikapuruska wose pa charu chapasi,” chikoko chikachita, “icho chikapuruska wose pa charu chapasi, awo mazina ghawo ntha ghakalebeka mu Buku la Mwanamberere Wamoyo,” Kufumira apo chisisimuso chikayambira, kasi icho chikupulikikwa

makora? Enya, kufumira apo mupharazgi wakapharazga upharazgi wankhongono ula? Kufumira apo munthu yura wakachizgikira? “kufumira ku mtendeko wa charu.”

204 Kasi Yesu wakakomekera nkhu, pa Mphinjika? yayi, bwana. Yesu wakakomeka pambere charu chindaŵeko. “Wonani Mwanamberere wa Chiuta, uyo wakakomeka pambere lufura la charu lindaŵeko.” Chiuta, mu mtendeko, para Iyo wakati wawona kwananga, Iyo wakawona icho chikachitika, Iyo wakayowoya Mazgu. Ndipo Yesu wakakomeka pambere lufura la charu lindaŵeko. Ndipo munthu waliyose wakaponoskeka, wakaponoskeka, kwakulingana na Baibolo, para Mwanamberere wakakomeka mu malingaliro gha Chiuta, pambere lufura la charu lindaŵeko. Imwe mukaŵamo mu chiponosko nyengo yira. Ntheura kasi imwe muchitenge vichi na Ichi?

205 Ndi Chiuta. Litumbikike Zina la Fumu! “Ndi Chiuta uyo wakuchita; ntha iyo mweneuyo wakukhumba panji mweneuyo wakuchimbira, kweni Chiuta uyo wakulongora lusungu.”

Usange Yesu wakakomeka pambere lufura la charu lindaŵeko, ichi chikatora virimika foru sauzandi pambere ichi chikaŵa chindachitike nadi. Kweni para Chiuta wakati wayowoya ichi kumanyuma uku, Lizgu lirilose la Chiuta ndakukhora. Ili lingasintha yayi. Ili lingaperekeka. Ili lingatondeka yayi. Ndipo para Chiuta wakati wakoma Mwana pambere charu chindaŵeko, Iyo wakaŵa waka wakukomeka nyengo yira umo Iyo wakaŵira pa Mphinjika. Ndi chinthu chakumalizgika, para Chiuta wakuyowoya ntheura. Ndipo kumbukirani, para Mwanamberere wakati wakomeka, chiponosko chinu chikaŵerengekera mu sembe, chifukwa Baibolo likayowoya kuti zina linu “Likambeka pa Buku la Mwanamberere Wamoyo pambere charu chindaŵeko.”

Mukuti uli na icho? Ntheura kasi ise tichitenge vichi? Ndi Chiuta uyo wakuwoneska lusungu. Ndi Chiuta uyo wakamuchemani imwe. Ndi Chiuta uyo wakamusankhani imwe mwa Khristu pambere charu chindaŵeko. Yesu wakati, “Imwe ntha—imwe ntha mukandisankha Ine. Ine nkhamusankhani imwe. Ndipo Ine nkhamumanyani imwe, pambere charu chindaŵeko.” Apo imwe muli.

206 Ntheura, wonani, icho chikufumiskamo mantha mwa imwe. “O, ine nkhumanya yayi usange ine ningarutirizga? Ine ndichitenge ichi, watumbikike Chiuta, usange ine ningarutirizga waka.” Ntha kwali ine nkhourutirizga, panji yayi. Ndi kwali Iyo wakurutirizga, panji yayi. Ndi icho—icho Iyo wakachita, ntha icho ine nkachita. Ndi icho Iyo wakachita.

Umo kuliri pasi pa dango la uwombozi. Ichi ndi chinthu chichoko ine nkukhumba kuti ndiyowoye pambere tindajare.

207 Uli usange kavaro mulara wakababa nyuru muchoko? Ndipo nyuru yura wakaŵa na makutu ghoŵe ghaŵiri ghakunangika. Iyo wakaŵa na maso ghakuzyemba, na makongono ghakunjira mkati, marundi gha mateŵe. Mchira wake ukapholika nkhanira muchanya. Chinyama chamawonekero ghakofya uli! Chifukwa, waliyose. . . Usange nyuru muchoko yura wangaghanaghana, kuti, “Sono, lindizgani miniti pera. Para iwo ŵakwiza kufuma mu nyumba mlenji uwu, ine nkhumuphalirani imwe, ine nadi nitimbikenge mu mutu. Chifukwa, iwo ŵakundiryeska yayi ine. Wonani chinthu chamawonekero ghakofya ine ndiri. Ine ndirije nanga ndi mwaŵi.”

208 Enya, uwo mbunenesko. Iwe ulije mwaŵi. “Enya, ine nkhababikira mu charu ichi, kweni wonani apa chinthu chamawonekero-ghakofya ine ndiri. Ntheura ine—ine—ine—ine nkhaŵapo na mwaŵi yayi. Ine nichitenge yayi ichi. Ine ningachita yayi ichi.” Mukuwona?

209 Kweni uli usange mama wake ngwakusambizgika makora mu dango? Iyo wayowoyenge, “Mnyamata, uwo mbunenesko. Iwe ukuwoneka makora yayi, ndipo iwe nthā ndiwe nanga wakwenerera kurya chakurya cha pa charu chapasi. Uwo mbunenesko. Iwe ndiwe wakwenerera yayi. Kweni, mnyamata, munthowa yinyake, iwe ndiwe wakudankha wane. Ndipo, iwe ukumanya, iwe ukababikira pasi pa uŵere. Ndipo msofi wazamkukuwona yayi iwe. Kweni, ku zina lako, pakwenera kuti paŵe mwanamberere wambura kwananga wambura kalema, wakwenera kuti wafwe mu malo ghako, mwakuti iwe ungamanya kukhala wamoyo.”

210 Enya, nyuru muchoko yura wangamanya kubafura waka vikandiro vyake na kuŵa na nyengo yiweme. Chikupanga mphambano yiriyose yayi icho iyo wali, chifukwa iyo nthā wazamkufumbika na mweruzgi, msofi. Ndi mwanamberere uyo msofi wakulaŵiska. Nyuru yayi; mwanamberere!

211 Ndipo ndi Khristu uyo Chiuta wakulaŵiska, imwe yayi. Ndi Khristu. Ntheura usange mulije kakwanangika mwa Iyo, kasi kangaŵamo uli kakwanangika? Kasi Iyo wangasangamo uli chakwanangika, para imwe ndimwe ŵakufwa ndipo umoyo winu wabisika mwa Khristu kwizira mwa Chiuta, kudidimizgika na Mzimu Mutuŵa? “Iwo ŵeneawo mbakubabika na Chiuta wakuchita kwananga yayi, pakuti iyo wangananga yayi.” Kasi iyo wangananga uli penepapo sembe yakufikapo yiri chigonere mu malo ghake? Chiuta nthā wakulaŵiska pa ine, Iyo wakulaŵiska pa Khristu, chifukwa ise tiri mwa Khristu.

212 Sono, usange ine nkhumutemwa Khristu, ine ndikhalenge na Iyo. Iyo wanganipokerera yayi ine pekhapekha Iyo wakumanya. Usange Chiuta wandiponoska ine muhanyauno, kumanyanga kuti Iyo wanditayenge ine masabata sikisi kufuma muhanyauno, Iyo wakuswa chirato Chake Yekha. Mbunenesko.

Iyo nthā wakumanya nanga ndi vyakunthazi, usange Iyo wakandiponoska ine, kumanyanga. Kasi Iyo wakukhumba vichi pa kundiponoska ine, kumanyanga kuti Iyo wanditayenge ine? Chiuta nthā wakuchita vinthu, pamanyuma kusintha ichi mu masabata ghaŵiri, kuti wasunge phangano Lake. Para Iyo wakuponoska iwe, ichi ndi cha nyengo na ku Umuyaya.

213 Sono, imwe mungamanya kujijirika, na kuti, “O, enya, watumbikike Chiuta! Aleluya! Ine nkhayowoya malilime. Ine nkchachemereza. Ine nkchapakera uwu. Aleluya!” Icho nthā chikung’anamura kuti iwe ukapokera Uwu. Kweni, m’bale, para Chinyake chafika kusika *uku*, ndipo iwe wakhozgeka na Khristu, pamanyuma vipaso vya Mzimu vikukondezga iwe. Ise tikuchitira ukaboni, mzimu withu na Mzimu Wake, kuti ise ndise ŵana ŵanarumi na ŵana ŵanakazi ŵa Chiuta. Chonde muŵe nawo Uwo, ŵabwezi.

214 Ine ndimusungeninge muno usiku wose, kuyowoyanga za icho. Ine nkchuchitemwa Ichi. Ine nkchumutemwani imwe. Ine ndifikenge ku kachisi muchoko uyu, nyengo na nyengo, usange Chiuta wasungirirenge umoyo wane. Ine nkchukhumba kumuwonani imwe ŵakuzama na ŵakukhazikika mu Chipulikano Chituŵa chira. Ine nkchukhumba yayi kumuwonani imwe mukuputaputa uku na uko na mphepo yiriyose yichoko ya chisambizgo, iyo yingamanya kumusangani, na kumusunkhunyani imwe, na kuchitanga viheni, na kuŵa na ndopa pachoko mu mawoko ghawo, panji fomezi pachoko pa maso pawo, panji chinthu chinyake, na kuwonanga mtundu unyake wa—wa—wa kuŵara kunthazi kwawo, na mtundu unyake wa a—chinthu cha uzukusi, umo Baibolo likayowoyera, “Wakujikwezga mu mtima wake, ndipo wakuwona kanthu yayi.” Uwo mbunenesko. Ine nkchukhumba kuti muŵe ŵakukhazikika pa Mazgu. Usange ichi ndi NTHEURA WAKUTI YEHOVA, khalani na Ichi, khalani na Ichi. Icho ndi Urim Thummim wa nyengo iyi. Chiuta wakukhumba kuti imwe mukhalire umoyo na Icho. Usange ichi mulije mu Mazgu, nthaura ruwaniko za ichi. Khalirani umoyo Chiuta, khalirani umoyo Khristu.

215 Ndipo usange mtima winu wayamba kutimbanizgika, imwe mukumanya pali chinyake icho chachitika, wererani ku guwa na kuti, “Khristu, nozganiso chane. . . chimwemwe cha chiponosko chane. Ndipaseni chitemwa icho ine kale nkhaŵa nacho. Ichi chikuthandizgika, Fumu. Chiripo chinyake icho ine ndachita. Ndipangeni mutuŵa kamozaso, ndiyimilire. O Fumu, palije icho ine ningachita. Ine ningareka yayi *ichi* na kuleka *icho*. Ine nkchulawiska kwa Imwe kuti mufumiskemo ichi mwa ine, Fumu, ndipo ine nkchumutemwani Imwe.”

216 Ndipo yendani kufuma pa guwa lira, munthu muphya mwa Khristu Yesu. Nthaura imwe nthā mugomezgenge pa mpingo winu, kugomezga pa wasembe winu, kugomezga pa mliska winu.

Imwe mukugomezga pa Ndopa zakuthiskika za Fumu Yesu. “Mwa uchizi imwe muli kuponoskeka.”

Tiyeni tirombe.

²¹⁷ Fumu, visambizgo vikuru vyantheura! Ndi nyengo apo mpingo uchoko uwu ungamanya kurya nyama, ndipo ntha mkaka wa Mazgu. Ise takhala mu mkaka kanandi chomene sono, kumupasanga bonda botolo lake. Kweni ise tikwenera kuw̄a na chakurya chankhongono, pakuti nyengo yikumara chomene. Nyengo zikuru zizonono ziri kufupi, ndipo masuzgo ghanandi ghali kunthazi kwa ulendo. Ndipo ise tikumanya kuti zizamkuw̄ako yayi nyengo ziweme. Ise tikumanya kuti ise tiri ku umaliro. Nyengo zirutirirenge kuhenipa na kuhenipa mpaka Yesu wafike, kwakulingana na Malemba.

²¹⁸ Ise tingaw̄alayizga kalikose yayi iwo mu umoyo uwu. Kweni mu umoyo uwo ukwiza, ise tingamanya kuw̄alayizga iwo Umoyo Wamuyirayira kwizira mu Mazgu Ghinu, usange iwo w̄agomezgenge pa Mwana wa Chiuta na kumuzomera Iyo ngati Wakuphepiskira wawo, ngati Yumoza Mweneuyo wakayimirira mu malo ghawo, ngati Yumoza Mweneuyo wakatora zakwananga zawo. Perekani ichi sono.

²¹⁹ Mphanyi w̄ambura kugomezga w̄azgoke w̄akugomezga. Mphanyi w̄akujichemerera kuti mbatchalitchi, muno usiku uwu, awo w̄ali kuyowoya usopisopi ndipo w̄akukhala waka mu mpingo, mphanyi iwo w̄apokere chakuw̄achitikira na Chiuta; mwakuti chitemwa chantheura chinjire mu mtima wawo, mwakuti iwo w̄alirire zakwananga zawo, w̄afwe kwa iwoŵene, ndipo w̄ababikeso w̄aphya mwa Mzimu Mutuwa, ndipo w̄aw̄e w̄akuzika na w̄achisungusungu, w̄achitemwa, ndipo w̄akuzura na chimwemwe na vitumbiko. Kukhalanga umoyo wakuti, mpaka iwo w̄aw̄e w̄akunowa chomene mwakuti iwo w̄apange wanthu awo w̄aw̄azingilira iwo, w̄aw̄e na nyota yakuti w̄akozgane na iwo. Perekani ichi, Fumu, pakuti ise tikuromba ichi mu Zina Lake.

Ndipo na mitu yithu yakusindama.

²²⁰ Ine nkhumanya yayi, usiku uwu, usange wangaŵamo yumoza muno, wayowoye, “M’bale Branham, usange ine nkhayezgekenge mu sikelo ya Chiuta pa nyengo yira, ine ntha, ntha, nthena nkakwana yayi kuw̄a na chakuniyenezga chira icho iwe ukuyowoya usiku uwu. Ine nkikhumba kuti iwe undikumbukire ine mu kuromba, mwakuti ine ndisithe nthowa zane, ndipo Chiuta wanjirengemo na kufumiskamo kupusa uku mwa ine na kundipanga ine Mukhristu mweneko”? Uli iwe ukwezge woko lako kuti tikurombere, apo iwe, usange iwe ungachita? Chiuta wakatumbike iwe. Chiuta wakatumbike iwe. Chiuta wakatumbike iwe, kumanyuma. Chiuta wakatumbike iwe. Chiuta wakatumbike iwe, bwana. Chiuta wakatumbike iwe, m’bale. Chiuta wakatumbike iwe, mlongosi.

Mutuŵa, Mutuŵa, Mutuŵa, Yehova Chiuta wa mipingo.

Kuchanya na charu chapasi vyazura na Imwe,
Kuchanya na charu chapasi vikumurumbani
Imwe,

O Yehova Chikurukuru.

Mutuŵa . . .

221 Apo iwe ukughanaghana sono, kurombanga, apo iwe ukuwona kukhwaskika kuti wakhala ukuchita uheni, ndipo iwe ukukhumba kuti uchite makora, uli iwe ukwezge waka woko lako, yowoyanga, “Chiuta, ndipangeni ine icho ine nkhuenera kuŵa?” Chiuta wakatumbike iwe, dona muchoko. “Chiuta, ndipangeni ine icho ine nkhuenera kuŵa.” Chiuta wakatumbike iwe, m’bale, mlongosi, iwe, iwe, iwe kudera *uku*.

222 Dazi likuruta. Ine nkhumanya ntchinonono, ŵabwezi, kweni ntchiweme kumanya Unenesko sono. Sono rombani mwakachetechete.

Mutuŵa, Mutuŵa, Mutuŵa, Yehova Chiuta . . .

Iyo ndi mutuŵa, yekha.

. . . wakuzura na Imwe,

Kuchanya na charu chapasi vikumurumbani
Imwe,

O Yehova Chikurukuru.

223 Ŵadada Ŵakuchanya, apo zuŵa likutchona kumise, ŵakadundulu ŵakuwungana mu makuni na ŵakutemweka ŵawo. Tuyuni tose tukuruta ku vivwimbo vyawo. Nkhunda zikudukira muchanya pa mawaya, muchanya, mwakuti njoka zizitangwaniskenge yayi izi mu usiku. Izo zikudeka kula ndipo zikulira kwa yumoza na yinyake mpaka izo zikugona. Zuŵa paumaliro likutchona.

224 Dazi linyake ise tizamufika ku ora lira. Kutchona kwa zuŵa kuzamuchitika. Ine nkhumanya yayi mphauli, Fumu. Kweni muli ŵanthu muno usiku uwu awo ŵakhorwa kuti iwo ŵakhala ŵakwananga, ndipo iwo ŵakukhumba kuti ŵafike ku malo ghara, umo Lincoln wakafika ku agha apo iyo wakafwanga, wakati, “Ng’anamulirani chisko chane kurazga ku kutchona kwa zuŵa.” Ndipo iyo wakayambapo, “Ŵadada ŵithu Imwe muli Kuchanya.”

225 Umo Moody wakale wakayowoyera, “Kasi iyi ndi nyifwa? Ili ndi dazi lane lakuvwalira mphumphu.”

226 O Yumoza Wamuyirayira, ŵapokerereni iwo sono nthena, mwa chipulikano, apo iwo ŵakhala uko mu mipando yawo. Imwe mwangukhung’uska pa mtima wawo, pa mpando. Apo mpha guwa lawo. Iyi ndi nyengo yakuti Imwe muŵapokerere iwo, sono nthena. Imwe mukati, “Iyo mweneuyo wakwiza kwa Ine, Ine munthowa yiriyose nthā ndimutayenge iyo.”

227 Ndipo dazi linyake para zuŵa likutchona, muwoli panji mfumu wayimirira pafupi na bedi, madokotala ghakafumapo. O Mutuŵa, Mutuŵa, ghakutowa ghara, mazgu ghakunowa, pambere zuŵa lindatchone waka. Para ise tingamanya kuwuka na kuti:

Kutchona kwa zuŵa na Nyenyezi Yakumise,
Ndipo ntchemo yimoza yapakweru ya ine!
Ndipo mphanyi pazakaŵavye kutengera pa
cheruzgo,
Para ine nkhouruta ku nyanja.

228 O Chiuta, perekani ichi kwa iwo ora ili apo iwo ŵakulindizga, kulindizganga thumbiko la Chiuta kuti lifike pa iwo. Torani vyose vya ukali, vyose vya charu, kutali na iwo, ndipo lengani mwa iwo mtima uphya. Imwe mukati, “Ine ndifumiskengemo mtima wakale, ndipo ndiŵikengemo mtima wa munofu. Ndipo Ine ndiŵikengemo Mzimu Wane mu mtima ula, ndipo iwo ŵazamkwenda mu marango Ghane na kusunga malamuro Ghane.” Chifukwa, ili ndi dongosolo la chitemwa, ndipo nthā la ntchito. Ili ndachitemwa. Ndipo chitemwa chikutikoserezga ise kuchita ichi. Ndi ntchito ya chitemwa, kuti chitikoserezge ise. Ndi ntchito yithu kurondezga chitemwa. Ndipo ine nkhuromba, Chiuta, kuti Imwe muperekenge ichi ku mtima uliwose uwo wangukwezga woko lake usiku uwu.

229 Ndipo iwo ŵeneawo ŵangukwezga yayi woko lawo, mphanyi iwo sono, mwa uchizi, ŵakwezge mawoko ghawo kuti ŵamuzomereni Imwe, ndipo kuti wazuzgike na Mzimu Winu mu yakuzika iyi, yiweme, yachete, nthowa yakujikhizga; ndipo ŵazure na uchizi, ŵarute kufuma muno ngati munthu wakusinthika. Umo tuyuni tukuyimbira mwakulekana, umo waliyose waŵirenge wakulekana, pamanyuma pa ora ili, O Yehova Chikurukuru.

Mutuŵa, Mutuŵa, Mutuŵa, Yehova Chiuta wa
charu chapasi.
Kuchanya na charu chapasi nvyakuzura na
Imwe,
Kuchanya na charu chapasi vikumurumbani
Imwe,
O Yehova Chikurukuru.

230 Imwe sono na mitu yinu yakusindama, imwe mwaŵeneimwe mwangukwezga mawoko ghinu kuti mukumbukirike mu kuromba, kasi imwe mukuwona ngati kuti Chiuta wamuyowoyeskani imwe munthowa yakuti sono, nthā mwakuchita kujijirika, kweni chinyake waka mkati nkhanira mwa imwe, imwe mukuwona ngati kuti Chiuta wamupani Umoyo Wamuyirayira? Imwe mukuwona ngati kuti mukuruta kufuma mu tchalitchi usiku uwu ngati munthu wapadera? Kasi imwe mungakwezga mawoko ghinu kumanyuma usiku uwu?

Chiuta wakatumbike iwe, mnyamata. Chiuta wakatumbike iwe, m'bale. Chiuta wakatumbike iwe, mlongosi. Chiuta wakatumbike iwe. Uwo mbunenesko. "Ine ndirutenge kufuma mu tchalitchi ili, usiku uwu, munthu muphya." Ŵana ŵakubabika sono mu Ufumu wa Chiuta.

²³¹ Kukachitika vichi? Ine nkhumanya ndi dongosolo la kwizanga ku guwa. Ilo ndi guwa la Methodist, dongosolo la Methodist, ndicho ine nkhung'anamura. Ichi chikakhazikiskika mu mpingo wa Methodist, mu mazuŵa gha John Wesley. Ichi ntha chikaŵako mu mazuŵa gha Baibolo. "Wose awo ŵakagomezga ŵakasazgikirako ku Mpingo." Imwe mungamanya kugomezga palipose apo imwe muli, kuwaro ku munda, kuwaro pa msewu, kulikose. Kulikose, ichi ntha chikupanga mphambano yiriyose, malinga kuti waka imwe mwamuzomera Khristu ngati Muponoski winu mwaŵene. Ndi ntchito ya Mzimu Mutuŵa uwo ukunjira mu mtima winu. Para imwe mwagomezga Iyo, mwazomera Iyo, imwe mwajumpha nyifwa mwafika ku Umoyo, ndipo imwe mukuzgoka vilengiwa viphya mwa Khristu Yesu.

Kundijumphilira yayi ine, O Muponoski
muweme,

Sono yimirirani pa marundi ghinu.

. . . kulira kwane kwakujikhizga;
Apo Imwe mukuchema ŵanyake,
Kundijumphirira yayi ine.

²³² Sono ine nkhuhumba mwanarumi mwanichi na mwanakazi, uyo ine nkhuwona kuti ndi muwoli wake, iwe wangukwezga woko lako, ine nkhuhumba kuti iwe ukwezegeso woko lako kumanyuma uko; wamwana, iwe wavwara chikhoti chiswesi, na dona, kuti iwo ŵamuzomera Khristu ngati Muponoski wawo. Mnyamata muchoko wakhala uku mu mpando wakuchita kutchika, wamuzomera Khristu ngati Muponoski wake, wakhwaskika kuti Chiuta wakamuponoska iyo. Ndipo mwaŵanyake kumanyuma uko imwe mwangukwezga mawoko ghinu, kwezganiso mwakuti ŵanthu ŵangamanya kulaŵiska kosekose, tiŵe na wenenawene na imwe.

²³³ Koraniko woko lawo, munyake kufupi, wayimilira kufupi na iwo. Yowoyani, "Chiuta wakatumbike iwe. Takupokerera mu Ufumu wa Chiuta, m'bale wane, mlongosi wane." Wenenawene, ndicho ise tikukhumba. Chiuta wakatumbike. . . Koraniko chasa kwa mnyamata muchoko uyu uku mu mpando. Fumu yiŵe nayo. Uwo mbunenesko. Ise tikumupokererani imwe mu wenenawene wa Mzimu Mutuŵa.

²³⁴ Usange imwe muchali mundabapatizike, ndipo mungakhumba kuti mubapatizike, pangani ulendo winu nyamukani ndipo muphalireni mliska za ichi. Chiziŵa muno chiri na maji mu ichi, usiku uwu, usange imwe mukukhumba

kubapatizika. Chirichose ntchakunozgeka. (Kasi imwe mukaŵa na ubapatizo, munthowa yiriyose kunyake?) Kweni chiziŵa ntchakunozgeka, usange munyake wakukhumba kubapatizika. Baibolo likati, “Rapani, waliyose wa imwe, ndipo mubapatizike mu Zina la Yesu Khristu kuti zakwananga zinu zigowokereke, ndipo imwe mupokerenge chawanangwa cha Mzimu Mutuŵa. Pakuti phangano ndinu na ku ŵana ŵinu, iwo ŵeneawo ŵali kutali, wose awo Fumu Chiuta withu wazamkuchema.”

²³⁵ Imwe mukumutemwa Iyo? Kwezgani mawoko ghinu. O, kasi Iyo ngwakuziziswa yayi? Kasi imwe mukukondwera ili na Buku ili la Wāhebere? Imwe mukulitemwa Ili? [Gulu likuti, “Amen.”—Munozgi] Enya. Ntchiweme. Sono, Ili likususka. O, Ili likurongozga ndipo Ili ndakunyoroka, kweni ise tikuchitemwa icho. Umo ndimo ise tikukhumbira kuti tiŵirenge nawo Uwu. Tingaŵa nawo yayi Uwu munthowa yinyake.

²³⁶ Sono, kasi imwe mukugomezga kuti Paulos wali na mazaza kupharazga Ichi ngati ntheura? Paulos wakati, “Usange Mungelo wafika na kupharazga ivangeli linyake lirilose, rekani iyo watembeke.” Mbunenesko uwo? Ntheura ise tikumutemwa Iyo na mtima withu wose.

²³⁷ Sono ine ndifumbenge mliska kuti wafike kuno pa kanyengo waka, m’bale withu muweme chomene, M’bale Neville, ndipo iyo waŵenge na mazgu kuti wamuphalireni imwe. Ndipo sono, usange Fumu yazomerezga, ise tizamkumuwonani imwe pa Chitatu usiku, na kupanga ndondomeko za kuruta kwa M’bale Graham Snelling ku chisopo cha usiku. Ndipo pamanyuma ku chipharazgo kuno kuzakarutirizga na chipatulo 7 na 8, Chitatu chikwiza ichi usiku. M’bale Neville.



ŴAHEBERE, CHIPATULO SEVENI ¹ CTK57-0915E
(Hebrews, Chapter Seven ¹)

MAUPHARAZGI GHA BUKU LA ŴAHEBERE

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Sabata kumise, Seputembara 15, 1957, pa Branham Tabernacle mu Jeffersonville, Indiana, U.S.A., ndipo uli kutoreka kufuma ku tepi ya magineti yakujambulika ndipo walembeke kwambura kusinthika mu Chingerezi. Kutanthauzira uku kwa Chitumbuka kukalembeke na kugawika na Voice Of God Recordings.

CHITUMBUKA

©2023 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.

www.branham.org

Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umu tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org